



ЯВЛЯЕТСЯ И СЛУЖИТ  
ПРЕПОДОБНОМУ ВАРЛААМУ  
КЕРЕТСКОМУ ЧУДОТВОРЦУ

# ПРЕПОДОБНЫЙ ВАРЛААМ КЕРЕТСКИЙ ЧУДОТВОРЕЦ

## ДНИ ПАМЯТИ

**6/19 ноября** –  
день блаженной кончины в 1599 году  
(преподобный скончался в день своих именин  
в постриге в честь прп. Варлаама Хутынского)

**15/28 января** –  
день обретения мощей в 1725 году

**21 мая / 3 июня** –  
в Соборе Карельских святых

**19 октября / 1 ноября** –  
в Соборе Архангельских святых

## ТРОПАРЬ

преподобному Варлааму Керетскому, глас 1:

**Б**ожественною свѣше просветѣвся благодатию, / евангельски Христу последовал еси, / благословением духовнаго отца своего / всем сердцем творил еси волю Божию / и, сего ради восприим силу на врага сопротивнаго, / не убоялся еси морския тяготы и хлада, ниже уклонися, / в своем плаче по Бозе не усыпая, / в мале ладий по водам шествие творил еси, противу зельнаго обуревания плавая, / и, равноангельное житие прожив, / темже и по преставлении источаеши чудес благодать, / да вси тебе возопиём: Варлааме преблаженне, // моли Христа Бога, да спасет души наша.

## КОНДАК

преподобному Варлааму Керетскому, глас 4:

**В**олнений множество невлажно проходя, / безплотныя враги струями слез твоих крепко погрузил еси, / богомудре Варлааме преподобне, / и, чудес дар приим, всякия многоразличныя страсти исцеляеши, // моли непрестанно о всех нас.

## ИИ ТРОПАРЬ

преподобному Варлааму Керетскому, глас 1:

**Б**ожественною свѣше просветѣвся благодатию, преподобне, / мир оставил еси, / житейскую печаль и всяк мятѣж мира сего / любви ради Христовы со дерзновением отвергл еси, / евангельски Христу последовал еси / и, Того ярѣм взем, во всем воли Его повинулся еси. / Христа ради тело свое изнуряя

постом и бдением, в молитвах своих не усыпая / и сего ради от Бога восприем власть и силу на сопротивнаго врага, / не убоаяся еси воздушныя и морскія тяготы и студени / и морскою пучиною в мале ладиице по водам шествие творил еси, / противу зельнаго обуревания плавая, / промыслением Божественнаго разума направляемъ, / и около Святаго Носа непроходимый путь морской от ядовитаго червья / благопроходен человеком без вреда сотворил еси молитвами своими, / и многим терпением во временней жизни подвиг совершил еси. / Темже и по преставлении источаеши чудес благодать, / иже верою приходящим к тебе, / Варлааме, преблаженне отче наш; / мы же вопием ти: моли Христа Бога, // да спасет души наша.

## III КОНЦАК

### преподобному Варлааму Керетскому, глас 1:

4  
**В**се умное свое желание к Богу вперив, / житейския молвы до конца отринул еси, / в молитвах, и слезах, и злостраданиях плоть свою изнуряя, / добре подвизався противу невидимаго врага козней, / и, победив я, путь морской человеком без вреда от ядовитаго червья сотворил еси / и, веселяся, пришел еси к небесным чертогом, / идеже ныне, со Ангелы Святей Троице предстоя, / молишися непрестанно, / сохраняя нас от враг видимых и невидимых / и ненаветны соблюдая от скорбей, зол и болезней, / да твоими молитвами спасемся, // Варлааме преподобне, отче наш.

## КРАТКОЕ ЖИТИЕ

### преподобного Варлаама Керетского чудотворца, покровителя северных мореплавателей

**П**реподобный Варлаам Керетский родился около 1502 года «в Керецкой волости, что на море окияне». В крещении его нарекли именем Василий.

Здесь, на берегах северного поморья, Василий был «научен книгам и Божиим судом поставлен пресвитером в Кольском граде в церкви Николы чудотворца» в 1535 году.

Отец Василий, будущий Варлаам, был ревностным и одаренным священником, «и людей Закону Божию, яко истинный пастырь, поучал». Нравом Кольский батюшка был суров и порой крут, но честен и чист пред Богом и людьми.

Закляв древнего демона, что запирает вход в Кольский залив, требуя жертвоприношений на языческом капище Абрам-мыса, сильно озлобил молодой священник эту силу бесовскую. Однако с тех пор путь из залива в море стал свободен, страхи и наваждения бесовские исчезли и жертвы языческие на мысу прекратились.

Во всем помощницей отцу Василию была его матушка, которую он любил всем своим горячим сердцем, и лишь ради этой любви оставил он свои мечты об иночестве. Жил он «с супругою в любви и целомудрии во граде Коле, всем людям на успех и на пользу, диаволу же и бесом на рвение и на зависть». Когда в 1540 году в Коле духовным отцом Василия, преподобным Феодоритом Кольским, был основан Свято-Троицкий мужской монастырь, отец Василий с матушкой были переведены на приход Георгиевской церкви, в родное село Кереть.

Но враг рода человеческого не забыл прошлой обиды и жестоко отомстил святому. «Лукавый змий находит на твою супругу», – пишет современник, то есть: мерзкий дух нечистый вселяется в жену Варлаама. Та становится бесноватой и начинает вести себя неадекватно и соблазнительно. Никакие уговоры и увещевания не помогают. Жизнь священника становится невыносимой.

Отец Василий решается прибегнуть к крайнему средству, не благословленному Церковью для «белого» священства – к чину экзорцизма, или «отчитки». В ходе проведения чина «последования молебного об избавлении от духа нечистого» с исполь-

зованием Святого Копия дала знать страстная натура Варлаама. Пытаясь изгнать беса, он «с яростью устремившись, поражает ее [матушку] смертною язвою».

Игумен Феодорит, выслушав исповедь Василия, назначил своему духовному чаду небывалую епитимию: «Дает он ему иго легкое – мертвого носить во гробе, покуда не изгниет тело умершее. Самому ж в посте и молитве пребывать, и таковое воздержание иметь, что рыбу только единожды на Пасху вкушать».

С этим благословением Варлаам отправляется в свое беспрецедентное трехлетнее плавание по северным морям с гробом убиенной супруги. Путь его пролегал от Керети, мимо мыса Святой Нос, вокруг Кольского полуострова до Колы и затем обратно. В то время в бухтах мыса Святой Нос водились особые черви – «корабельные сверлила», личинки которых цеплялись за днища судов и, проникая внутрь, незаметно протачивали даже самую крепкую корабельную древесину.

Завершив трехлетнее плавание в «Ледоватом море», Варлаам захотел «извещение приять» от Бога – не прощен ли его грех. Тогда «став на молитву и руки воздев на небо», был он услышан Господом, и «черви те без вести пропали». Так Варлаам понял, что наступило завершение его трехлетнего покаянного подвига, и что «путь этот сотворил он мореходцам около Святого Носа» чистым навсегда.

Это небывалое плавание и великое чудо избавления берегов вокруг Святого Носа от «множества червья, иже остовы кораблей вертети навывших», потрясло современников и не только восстановило доброе имя «белого попа Василия», но и прославило «чернеца Варлаама» как великого угодника Божьего.

По благословению своего духовника старца Феодорита он захоронил в родных Керетских пределах останки супруги, после чего принял монашеский постриг. Навестив в Печенге преподобного Трифона, Варлаам возвращается в родные Керетские пределы, вглубь Чупской губы, где «он строит часовню, и живет в пещере со зверями».

Варлаам прожил, как говорили на Поморье, «будто бы сто лет», «и Божию помощью бесовские полки победив, с миром ко Господу отиде» в 1599 году. Мощи преподобного были обретены 15/28 января 1725 года. Ныне их сохранившаяся часть хранится в старинном драгоценном ковчеге в церкви преподобного Варлаама Керетского при храме Спаса-на-Водах г. Мурманска.

Память преподобного Варлаама Керетского Чудотворца совершается в день его блаженной кончины 6/19 ноября.

**МЕСЯЦА НОЯБРЯ В 6-Й ДЕНЬ,  
(19 ноября по н. ст.)  
Святаго преподобнаго  
и богоноснаго отца нашего  
Варлаама Керетскаго, чудотворца**

**НА МАЛОЙ ВЕЧЕРНИ**

На Господи, возвах: **стихиры на 4, глас 4:**

**Д**уха Святаго теплотою, мудре, желание сердца твоего согрѣяв / и зиму страстей умертвив, / погрузил еси страстей востание в пучине скорбей, / священнй отче Варлааме, / в ладий тесней возимь по морю полнощному, / многокозненную силу демонскую низложил еси / и в конец немощны твѣя показал еси, / небесная же воинства удивив терпением своим, / яко постников подражатель и преподобных сожитель, // с нимиже молися Господеву помиловатися душам нашим. *(Дважды)*

**Я**вился еси исцелений струя обильная, / богоблаженне отче наш Варлааме, / многомятежнаго пламене углие страстей угасил еси. / Узкий и прискорбный шествовав путь, / воистину не дал еси сна очима твоима, / ниже плоти твоея упокоения, / и телесне убо преставился еси, / духом же жив, предстоиши Богу, / Емуже в житий имея дерзновение работал еси, // моли спастися душам нашим.

**В**олнобурныя молвы жития избежав, / три лета шествоваше по Ледоватому морю, / земных и тленных наслаждение презрев, / Христу последовал еси / и пустынные жители возлюбил еси, / ко отишию же пещеры святыя достигнув, / со зверьми жителствуя, / пустынное озлобление усердно подъял еси, / демонская же ополчения и их многокозненную силу посрамил еси. // Темже твою память присно песньми восхваляем верно.

**Слава, глас 8:**

**П**риидите, монашествующих множество, днесь / Варлаама песньми и пеньми восхвалим, глаголюще: / радуйся, преславне Варлааме, Помория пресветлый светильниче; / радуйся, благо-

честіваго отця́ духо́внаго о́трасле; / ра́дуйся, я́ко звезда́ полно́ц-  
ная воздержанія и благо́терпенія, высотами́ сия́я, явился еси́, /  
ра́дуйся, я́ко мно́га чудеса́ о Христе́ сотворил еси́; / ра́дуйся, цело-  
му́дрия и безпи́щия сто́лпе, / и́мже де́монская свирепства́ искоре-  
ни́шася; / ра́дуйся, я́ко увядил еси́ плотская́ мудрова́ния; / ра́дуйся,  
преподобне Варлаа́ме, // ду́ши на́ша просвещая́я покая́нием.

### И ны́не, Богоро́дичен, глас то́йже:

**В**лады́чице, приими́ моли́твы раб Твои́х // и изба́ви нас от  
вся́кия ну́жды и печа́ли.

### Прокі́мен дне. На стихо́вне стихи́ры, глас 1.

Подобен: Небе́сных чино́в:

**Б**лаже́нне Варлаа́ме, / дрэ́вняго чове́ка совлéкся еси́ со  
страстьми́ / и во Христа́ облéкся еси́ вои́стину: / те́мже об-  
личил еси́, преподобне, мно́гая вра́жия ополче́ния. / Ве́рно ны́не  
соше́дшеся в па́мять твою́, о́тче, / ублажа́ем тя любо́вию, // вели-  
ча́юще Просла́вльшаго тя.

**Стих:** Честна́ пред Го́сподем // смерть преподобных Еѓ.

Страсте́й победі́телю, / плóти томі́телю, / язы́ка воздержá-  
телю, / о всех моле́бник быв, о́тче Варлаа́ме, // приими́ торже-  
ству́ющія любо́вию все́священную па́мять твою́.

**Стих:** Блаже́н муж, бойся Го́спода, // в за́поведех Егó восхо́-  
щет зело́.

Чи́стыми твои́ми моли́твами / Бо́гови прибли́жився, / благо-  
да́ть имаши нечи́стыя отгоня́ти ду́хи от чове́к. / Приими́ ны́не  
пе́ние чад твои́х, преподобне, / радостно торжеству́ющих в чест-  
ней твоёй па́мяти, // Варлаа́ме, о́тче наш.

### Сла́ва, и ны́не, Богоро́дичен, глас то́йже:

**О**бра́дованная, ра́дуйся, / Я́же Ра́дость ми́ру ро́ждшая, / Хри-  
ста́ Жизнода́вца, // и прамáтернюю, Де́во, печа́ль отъёмшая.

### Тропа́рь пи́сан на Вели́цей вече́рни. Ектенія ма́лая и отпу́ст

## НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 8.

Подобен: Мученицы Господни:

**П**риидите, любящие преславныя подвиги святых, / восхвалим преподобнаго Варлаама из Керети, / той бо благобытие мира сего превредил есть / и, живот свой ни во чтоже вменив, крест тяжкий взем, / Христу смирением и доблестию последовал есть. / Мы же прославляем Бога, дивнаго во святых Своих, // подающего нам мир и велию милость. *(Трижды)*

Страданием неначаемым первее тяжко искусився, / в пустыни же постом течение божественное совершив, / на небеса возшел еси и ныне Христу предстоиши, / Варлааме, отче преподобне, // моляся тепле за ны, поюция тя. *(Трижды)*

Явился еси, богоблаженне, мудрая пленица, / преподобне отче наш Варлааме, / связуя многая врагов ополчения, / Божиею силою укрепляемь, / над страстьми воцарился еси. / И управлен есть, доброхвальне, в Царствии Божии // во спасение душ наших. *(Дважды)*

Слава, глас 6:

**Е**же по образу соблюд невредимо, / ум Христов на немощное естество постнически поставив, / во еже по подобию яко мощно возшел еси: / мужески в пусте мори с мертвою шествовал еси / и сотворил еси ладью во гроб, / естество на подвиг понудив, / потщался еси плоть поработити духу. / Темже житель пустынный явился еси, / правило добродетели известнейшее, отче наш Варлааме, / вне бо плоти и мира быв, / паче видимых пожил еси истинно: / не бо жил еси тебе самому, / живяше же паче в тебе Христос Бог наш. // Того моли спастися душам нашим.

Слава, и ныне, Богородичен:

**К**то Тебе не ублажит, Пресвятая Дево? / Кто ли не воспоет Твоего Пречистаго Рождества? / Безлетно бо от Отца возсиявый Сын Единородный, / Тойже от Тебе, Чистыя, пройдет, /

неизрече́нно вопло́щся, / естество́м Бог Сый / и естество́м быв  
Челове́к нас ра́ди, / не во двою́ лицу́ разделя́емый, / но во двою́  
естеству́ / неслитно познава́емый. / Того́ моли́, Чи́стая, Всебла-  
же́нная, // поми́ловатися душа́м на́шим.

**Вход. Прокімен дне. Чтёния три.  
Премудрости Соломоновы чтёние:**

**П**ра́ведницы во ве́ки живу́т, и в Го́споде мзда их, и попече́ние  
их у Вы́шняго. / Сего́ ра́ди прииму́т Ца́рствие благоле́пия  
и вене́ц добрóты от руки́ Господни, зане́ десницею покры́ет я  
и мышцею защити́т их. / Приимет всеору́жие рвёние своё и  
вооружи́т тварь в месть враго́м. / Облече́тся в броня́ правды и  
возложи́т шлем – суд нелицеме́рен. / Приимет щит непобеди́-  
мый – преподо́бие, поостри́т же напрасный гнев во ору́жие,  
спобо́рет же с ним мир на безу́мныя. / По́йдут праволу́чныя  
стре́лы мо́лниины и, я́ко от благокру́гла лу́ка облако́в, на на-  
ме́рение полетя́т. / И от каменомётныя я́рости испо́лнь паду́т  
грады, вознегодует на них вода́ морская, ре́ки же потопя́т я наг-  
ло. / Сопроти́в ста́нет им дух си́лы и, я́ко ви́хор, разве́ет их, и  
опустоши́т всю зе́млю беззакóние, и злоде́йство преврати́т пре-  
сто́лы си́льных. / Слы́шите у́бо, ца́рие, и разуме́йте, навы́кните,  
судии́ конце́в земли́. / Внушите́, держа́щие мно́жества и гордя́-  
щиеся о наро́дах язы́ков, я́ко дана́ есть от Го́спода держа́ва вам  
и си́ла от Вы́шняго.

**Премудрости Соломоновы чтёние:**

**П**ра́ведных ду́ши в руце́ Бо́жией, и не прико́снется их му́ка. /  
Непщевáни бы́ша во очесе́х безу́мных умре́ти, и вмени́-  
ся озлобле́ние исхо́д их, и е́же от нас шестви́е – сокруше́ние,  
они́ же суть в ми́ре. / Ибо́ пред лицём челове́ческим а́ще и му́ку  
прииму́т, упова́ние их безсме́ртія испо́лнено. / И вма́ле нака́-  
зани бы́вшие, вели́кими благоде́тельствова́ни бу́дут, я́ко Бог ис-  
куси́ я и обре́те их досто́йны Себе́. / Я́ко зла́то в горни́ле, ис-  
куси́ их и, я́ко всепло́дие же́ртвенное, прия́т я. / И во вре́мя  
посеще́ния их возсия́ют и, я́ко и́скры по сте́блию, потеку́т. /  
Судя́т язы́ком и облада́ют людьми́, и воцари́тся Господь в них  
во ве́ки. / Наде́ющиеся Нань разуме́ют и́стину, и ве́рнии в люб-  
ви́ пребу́дут Ему́. / Я́ко благода́ть и ми́лость в преподо́бных Его́,  
и посеще́ние во избра́нных Его́.

## Премудрости Соломоновы чтение:

**П**раведник, аще постигнет скончатися, в покои будет. / Старость бо честна не многолетна, ниже в числе лет исчитается. / Седина же есть мудрость человеком, и возраст старости – житие нескверное. / Благоугоден Богу быв, возлюблен бысть, и живый посреде грешник, преставлен бысть. / Восхищен бысть, да не злоба изменит разума его, или лость прельстит душу его. / Рачение бо злобы помрачает добрая, и парение похоти изменяет ум незлобив. / Скончався в мале, исполни лета долга, угодна бо бе Господеви душа его, сего ради потщася от среды лукавствия. / Люди же видевше и не разумевше, ниже положше в помышлении таково, яко благодать и милость в преподобных Его и посещение во избранных Его.

## На литий стихира храма и святого стихиры, глас 5:

**П**реподобне отче Варлааме, / ты, измлада возлюбив доброту Владыки Христа / и к Нему желание невозвратно имея, / в правоте и благочестии подвижался еси. / Егда супостат диавол искуси тя, отче преподобне, / ты руку свою на весла крепко возложил еси, / и отнюд вспять не зрел еси, / и многи скорби претерпел еси. / Но, прямо стопы твоя по словеси отца духовного направляя / вся козни вражия препобедил еси // и венец победный от Господа приял еси.

**Б**ури океана хладна не убоясь, / любовью Христовою согреваемь, / противу зельнаго обуревания плаваше, досточудне Варлааме, / чувственныя страсти победив воздержания бродами, / ревность к небесным на мори и на земли показал еси / и всякое плотское желание духови повинул еси. / Тем ныне в небесных селениях водворяешься, // моли о душах наших.

**П**риидите, возрадуемся, люди земли северныя, / празднующе память добropобеднаго мужа, / преподобнаго отца нашего Варлаама, / той бо, многотрудным путем земнаго и воднаго странствия шествуя, / верою несумненною и терпением крепким востече на предлежащий ему подвиг / и лютыя козни вражия посрамил. / Сего ради славою вечною // увенча Человеколюбец Господь угодника Своего.

## Слава, глас тойже:

**Б**оготечней звездѣ полнощной уподобился еси, / досточудне Варлааме, / в мори путие твой быша, / и стези твоя в водах многих, / вся бреги страны северныя обтекл еси, / яко денница, Солнцу Правды преходящая, / Тому Единому последовав, / равноангельно в пещере пожил еси, / темже ныне на небесех со Ангелы Христу предстоиши, // со дерзновением моляся о душах наших.

## И ныне, Богородичен:

**Х**рам и дверь еси, / палата и престол Царев, / Дево Всечестная, / Еюже Избавитель мой, Христос Господь, / во тьме спящим явися, / Солнце Сый правды, просветити хотя, / яже созда по образу Своему рукою Своею. / Темже, Всепетая, / яко матерне дерзновение к Немю стяжавшая, // непрестанно моли спастися душам нашим.

## На стиховне стихиры, глас 1.

Подобен: Небесных чинов:

**Н**аста, богоносне Варлааме, / солнца светлейший твой праздник, / озаряет приходящая к Тебе верою, / и бессмертием благоухает, / и душам источает исцеления, // Варлааме преподобне, молитвенниче о душах наших.

**Стих:** Честна пред Господем / смерть преподобных Его.

**В**олнений множество невлажно проходя, / безплотныя враги струями слез твоих крепко погрузил еси, / богомудре Варлааме преподобне, / и, чудес дар прием, всякия многоразличныя страсти исцеляеши, // моли непрестанно о всех нас.

**Стих:** Блажен муж, бойся Господа, / в заповедех Его восхощет зело.

**Я**ко храбрый воин Христов, / благословлен был еси духовным своим отцем и наказателем, / противу начал и властей темных, / миродержцев века сего, востал еси, / епитимию многоболезненну блюдя. / Мы же, дивящиеся неизреченному о тебе Божию Промыслу, / припадаем ко Христу Владыце, Подвигоположнику, // скорби наша в радость Претворяющему.

## Сла́ва, глас 8:

**Н**а вѣсла возложи́л еси́, страда́льче, / дѣлание рук твои́х, / исполня́я Божѣственная повелѣния, / и не возврати́лся еси́ зря вспя́ть: / но шѣствовал еси́ путе́м тѣсным и прискорбным / до конца́ вчинѣннаго испытанія, // и́мже Госпо́дь па́мять о тебѣ сотвори́.

## И ны́не, Богоро́дичен:

**Б**езневѣстная Дѣво, / Яже Бо́га неизрече́нно заче́нши плоти́ю, / Ма́ти Бо́га Вы́шняго, / Твои́х рабо́в мо́льбы приими́, Всенепоро́чная, / всем подаю́щи очище́ние прегреше́ний, / ны́не на́ша мо́ления прие́млющи, // моли́ спасти́ся всем нам.

*На благослове́нии хлебо́в: тропарь святаго, дважды,  
и Богоро́дице Дѣво: еди́ножды.*

## Тропа́рь, глас 1:

**Б**ожѣственною свѣше просвети́вся благода́тию, / ева́нгельски Христу́ последовал еси́, / благослове́нием духо́внаго отца́ своего́ / всем се́рдцем твори́л еси́ во́лю Бо́жию / и, сего́ ра́ди восприи́м си́лу на врага́ сопроти́внаго, / не убо́ялся еси́ морскія тяготы́ и хла́да, ни́же уклони́ся, / в своѣм пла́че по Бо́зе не усыпая, / в ма́ле ладий по вода́м шѣствие твори́л еси́, проти́ву зѣльнаго обурева́ния пла́вая, / и, равноа́нгельное жити́е пожив, / те́мже и по преставле́нии источа́еши чуде́с благода́ть, / да вси тебѣ возопи́ем: Варла́аме преблаже́нне, // моли́ Христа́ Бо́га, да спасе́т ду́ши на́ша.

## НА УТРЕНИ

*На Бог Госпо́дь: тропарь свято́му (дважды).  
Сла́ва, и ны́не: Богоро́дичен: Гаври́лу веща́вшу:*

## По 1-й стихоло́гии седа́лен, глас 4.

*Подобен: Ско́ро предвари́:*

**П**уте́м тѣсным и прискорбным / три ле́та шѣствовал еси́ по Ле́дова́тому мо́рю, / крест свой на ра́мо возложив, преподо́бне о́тче наш Варла́аме. / Тьма же́стока и мраз но́щный тща́хуса за́пина́ти ти. / Сту́дный ветр се́верный яри́ся и возопи́, я́ко зверь, /

и вода, яко во броню, в лед облечёся и бысть жестока зело. / Ужасёся небо о сем, и океан велий вострепетá зело, / мы же умолчáхом, и возскорбёхом, / и убояхомся Господа, // вси бо святїи в руцѣ Его суть.

### Слава, и ныне, Богородичен:

**О**бновила еси, Чистая, Божественным Рождеством Твоим / истлёвшее страстьми земнородных мёртвенное существо / и воздвигла еси вся от смёрти к животу нетления. / Тёмже Ты по долгу блажим вси, Дёво Препрославленная, // якоже прорекла еси.

По 2-й стихологии седален, глас 5.

Подобен: Собезначальное Слово:

**З**емных и тленных наслаждение презрѣв, / Христу последовал еси и пустынные жители возлюбил еси, / обрете пещеру и жилище / и двѣри заградѣ, со зверьми жительствуя, / претерпел еси пустынное озлобление усердно, / полки же отразил еси демонов мужественне. // Тёмже твою память присно пѣсньми восхваляем верно.

### Слава, и ныне, Богородичен:

**У**жасно чудо зачатия, / и несказанен образ рождества в Тебѣ познася, Приснодѣво Чистая, / ужасает мой ум и удивляет помышление, / слава Твоя, Богородице, всем прострѣся // во спасение душ наших.

По полиелѣи величание:

**У**блажаем тя, / преподобне отче наш Варлааме, / и чтим святую память твою, / наставниче монахов // и собеседниче Ангелов.

По полиелѣи седален, глас 1.

Подобен: Гроб Твой, Спасе:

**П**огрузил еси страстей все востание / в пучине скорбей, священнй отче, / в ладий тесней возимь три лета, / с мёртвою шествуя в кожде лето дванадесят путей по полнощному морю, / дондеже тело ея изгни до конца, / тем исцеления дар от Господа приял еси, Варлааме преподобне, / и тако прешел еси житей-

скую пучину / и жизнь безконечную по смерти приял еси: / темже днесь Христова Церковь празднует твою досточудную память, // преподобных украшение.

### Слава, и ныне, Богородичен:

**Н**астави ны на путь покаяния, / уклоняющихся присно к злым безпутием / и Преплагаго прогневающего Господа, / Неискусобрачная, Благословенная Марие, / прибежище отчаянных человек, // Божие обиталище.

**Степенна, 1-й антифон, 4 гласа. Прокимен, глас 4:** Честна пред Господем // смерть преподобных Его. **Стих:** Что воздам Господеви о всех, // яже воздаде ми? **Всякое дыхание:** Евангелие от Матфея, зачало 43.

### По 50-м псалме стихира, глас 6:

**П**реподобен и честен был еси, светильниче Божественный и светносный, / не убояся морския тяготы и хлада, ниже уклонися, / в плаче по Бозе не усыпая, / в мале ладий по водам шествие творил еси, / предивная чудеса являя пред народом северным в земли Поморстей. / Того молитвами, Христе, // даруй нам преспеяние жития, и веры, и разума духовнаго.

## КАНОН

### Богородице со ирмосом на 6 и преподобнаго на 6, глас 8.

#### Песнь 1

**Ирмос:** *Море огустил еси, / погрузивый со оружием гордаго фараона, / и люди спасл еси немокренно, Господи, / и ввел еси я в гору святыни, вопиющая: // поим Тебе, Богу нашему, песнь победную, яко прославися.*

**Запев:** *Преподобне отче наш Варлааме, // моли Бога о нас.*

**П**репетая Соестественная Троице, / Преплагий Боже, Иже паче ума дары рабом сим дая, / и нам светлую последи благодать, всех страстей очищающую, / песнь ныне начинающим.

Освящён быв Божественною благодатию / служи́ти свято́му  
жертвеннику, / всесожже́ние принёсл еси́ приятно́ Бо́гови, / яко́  
же Ааро́н по зако́ну а́гнца во всесожже́ние, / прообра́жая воль-  
ное страда́ние / и смерть Христо́ву за весь мир.

Христо́ву Плоть раздробля́я рука́ма, / служи́тель Сего́ и́стин-  
ный явился еси́, / возноше́ния в премирная́ возно́ся / и отту́ду  
мир лю́дем своим прино́ся, / Варлаа́ме пречу́дне.

Благодати́ю Бо́жиею победите́ль на ду́хи лука́выя показал-  
ся еси́, о́тче Варлаа́ме, / зело́ крёпко смири́лся еси́ покая́нием, /  
тяжкия́ ско́рби и боле́зни претерпе́л еси́, / псалмо́в пе́ние усерд-  
но ко Христо́у возно́ся. / Помози́ и нам, преподо́бне, се́тей лука́ва-  
го избе́гнути.

Вели́им постом грешную́ плоть свою́ усмири́л еси́, / стра́сти  
душетле́нныя победи́в воздержания́ брозда́ми, / ду́шу свою́ сле-  
за́ми покая́ния омы́л еси́. / Моли́ о нас, о́тче преподо́бне, / да  
скве́рны грехо́вныя очи́стимся.

**Богородичен:** Вели́кий во проро́цех Моисе́й Тя написа́ иногда́: /  
Скрижа́ль богообра́зне, / Све́щник све́та, и Сень, / и Жезл про-  
цве́тший, Всенепоро́чная, / и Ру́чку, ма́нну нося́щую, Ё́уже воз-  
ведо́хомся / от земли́ к высоте́.

### Песнь 3

**Ирмос:** *Утвержде́й руко́ю Твое́ю, Сло́ве Бо́жий, небеса́, / просве-  
ще́нием Твоего́ и́стиннаго позна́ния, // утверди́ и нас, на Тя на-  
де́ющихся, сердца́.*

**А́**гнца нескве́рнаго и Богоприятнаго рука́ма закала́я, / а́нгель-  
скому жити́ю поревнова́в непреста́нными моли́твами, / зри-  
тель и жрец сподо́бился бы́ти, / благодати́ю соверша́емь Свята́го  
Ду́ха.

Лука́вый змий не терпя́ зрети́ тя, вы́ну Бо́гу предстоя́ща / и мо-  
ли́тву о лю́дех принося́ща, / ва́дит на супру́жницу твою́. / Ты же  
с я́ростию на ню устреми́лся, / поража́еши ю́ сме́ртною я́звою /  
и гробу́ преда́еши.

Убийству́ соверши́вшуся, земли́ те́ло преда́л еси́, / отхо́диши  
во град Ко́лу / ко иере́ю блаже́нному Феодори́ту, / изве́ствуя о  
убийстве́ и желая́ прощ́ения, / слеза́ми зе́млю омака́я, / о соде́ян-  
ных в я́рости и невоздержании́.

Услы́шав иере́й о соде́янных тобо́ю, / даёт ти и́го / носи́ти  
ме́ртвую во гробе́, до́ндеже изгниёт те́ло ея́, / самому́ же в постё́ и  
моли́тве пребыва́ти / и таково́ воздержание́ имети́, / яко́ и ры́бу  
то́чию на Па́сху вкуша́ти.

Таково́е за́преще́ние при́им, / те́ча́ше, ра́дуяся, / и, те́ло отко́пав, в лади́ю вложи́в во гробе́ / и сам, я́ко во гроб, устреми́вся в ню, / с ме́ртвою ше́ствоваше ле́том двана́десят путе́й по мо́рю, / по непроходи́мым ме́стом.

**Богоро́дичен:** Ю́же ле́ствицу дре́вле Иа́ков ви́де, / прообрази́ющу о Тебе́, Богома́ти, рече́: / степе́нь Бо́жия сия́, я́же досто́йно слы́шиши; / ра́дуйся, Обра́дованная, / Госпо́дь с Тобо́ю.

### Седа́лен, глас 8:

**Н**о́сиши за плещма́ ме́ртвое те́ло, / подо́бяся дре́вним скитским отце́м, / превита́я по гора́м и по верте́пам, я́ко пти́ца, / терпя́ смрад и вся́ку скорбь от ме́ртваго телесе́, / я́коже Ники́фор, вели́кий патриа́рх, / терпе́ от разбо́йника, уме́ршаго в верте́пе. / Он у́бо три ме́сяцы, ты же три ле́та, / до́ндеже ме́ртвое те́ло изгни́ до конца́, и та́ко па́ки е́ земли предаде́, / тем исцеле́ния дар от Го́спода сподо́бися прия́ти, Варлаа́ме преподо́бне, о́тче наш. / Моли́ Христа́ Бо́га грехо́в оставле́ние пода́ти / чту́щим любо́вию святу́ю па́мять твою́.

### Сла́ва, и ны́не, Богоро́дичен:

**Я́**ко Де́ву и Еди́ну в жена́х, Тя, без се́мене Ро́ждшую Бо́га плоти́ю, / вси ублажа́ем, ро́ди челове́честии: / огонь бо всели́ся в Тя Бо́жества́ и, я́ко Младенца́, млеко́м пита́еши Зиждите́ля и Го́спода. / Те́мже, А́нгельский и челове́ческий род, / досто́йно сла́вим пресвято́е Рожде́ство́ Твое́ и согла́сно вопие́м Ти: / моли́ Христа́ Бо́га согреше́ний оставле́ние дарова́ти воспева́ющим досто́йно сла́ву Твою́.

### Песнь 4

**Ирмо́с:** Услы́шах, Го́споди, слух Тво́й и убоя́хся, / я́ко неизрече́нным сове́том, Бог Сый Присносу́щный, / от Де́вы проше́л еси́, вопло́щся. / Сла́ва снисхожде́нию Твоему́, Христе́, // сла́ва си́ле Твое́й.

**В**идел еси́ морску́ю пучи́ну нечи́сту / и челове́ки непроходи́му от мно́жества че́рвия, / корабле́й осто́вы верте́ти естество́м навы́кших. / Сих же, Варлаа́ме, священны́я воды́ кропле́нием / отгна́л еси́ на пучи́ну мо́ря.

А́ще и естество́м непобеди́ми че́рвие бе́ша, / но твоея́ моли́твы Бо́гу послу́шаша, / я́ко изы́ти повелева́еши им от Свята́го Но́са в непроходи́мая ме́ста, / иде́же тьма и мрак глубо́к безпреста́ни суть.

Руце, иногда убийством окровавленнии, / ныне же чисте и святе, воздееши к Вышнему, о нас моля, преподобне, / во еже обрести нам благодать и грехов оставление / и будущих благ сподобитися молитвами твоими.

Людие возрадовашася радостью неизглаголанною, / получивше путь морской строен, и благопоспешен, и благополучен, / тя, своего заступника, воспевающе / и Христа величающе.

Аще не бы предстал и помог еси, / не быхом толиких грызущих червий избавилися. / Ныне же тебе благодарная возглашаем, / корабли с песнию отпускающе, / вспять возвращающиеся целы и невредими приемлюще, зовем: / слава, Христе, пришествию Твоему.

Мужеством души в веру вооружився, / бурю и дождь, и всякую воздушную тягость терпя, / потщался еси заповедь отца своего духовнаго сохранить, / темже приял еси от Вседержителя Бога венец победный, даруя страстей исцеление и бесов отгнание.

**Богородичен:** Устави неуставное смущение, Чистая Мати Божия, / еже к Сыну Твоему направляющи движение воспевающих: / Слава силе Твоей, / слава, Христе, пришествию Твоему.

## Песнь 5

**Ирмос:** *Мрак души моей разжени, Светодавче Христе Боже, / началородную тьму изгнав бездны, / и даруй ми свет повелений Твоих, Слове, // да, утренюя, славлю Тя.*

Носиши мертвую, яко живу, в пустыню Чупу с собою / и тамо молитвою на врага вооружаешься, / нестерпимыя его стрелы сокрушая постом и терпением, / дондеже приял еси, преподобне, / помощь от Вышняго.

Обновляешься, яко орел, преподобне, / измылся и очистився в пустыни от всех страстных деяний, / и, яко елень, быстротекый ко источнику вод, / очищаяся змиинья яди.

Видал еси за морем зиждему святым Трифоном обитель в Печензе, / и семо устремися видети того труды и подвиги. / И, ту пребыв малое время, / пророчески тому об устройнии обители прорече.

Оставляеши Трифоново селение / и возвращаешься паки к Керети, вся тому изрек: / о, Трифоне, сподобился еси обитель воздвигнути и братию собрати, / будут же людие места сего зле неукротимы, яко дивии звери, / твоя вѣтхия ярости и острожелчию подобящися.

Море на плещу своею тебе ношаше / из Печенги в пустыню во устье Чупы, / привлекше корабли своими струями, в нихже

ядовитыя черви очистил еси, / и по тоням телеса мертвых, вос-  
тающая бесовским действием, виде, / и сим уснути до Христова  
второго пришествия повеле, / да не бессмертно пребудет злое, /  
якоже рече иже богословию тезоименитый Григорий.

**Богородичен:** Уловити мя всегда ищет прелукавый, / и от того  
мя сетей исхити, Владычице, / и Божественным кровом крилу  
Твоею цела соблюди.

## Песнь 6

**Ирмос:** Бездна грехов и прегрешений буря мя смущает / и во глу-  
бину нужднаго реет мя отчаяния, / но Твою крепкую руку мне  
простри, яко Петрови, // о, Управителю, и спаси.

**Ч**увственные страсти победив воздержания бродами, чудо-  
действенно Варлааме, / чистотою душевною божественно  
вооружися, / стяжав безстрастие и целомудрие, / и иже Богу  
паче приближися.

Богозданная Чупская пустынь, яко путь, в небо ведый, прият  
тя, всехвальне отче Варлааме, / идеже со зверьми дивными му-  
жески подвизался еси, древним отцем подражая, / и, благодать  
Духа Святаго обильно стяжав, / многим путь спасения явил еси.

Юности цвет умертвив воздержанием, / в вышний вид чер-  
тог, / во одежду, достойну звания, облечеса, / приуготовляяся к  
Вечери, / на нюже и зван бысть, украшен добродетельми, / в не-  
вестнице неизреченная славы возлегл еси.

Добродетели, труды и покой, Варлааме, / приял еси со всеми  
святыми Кольскими, / ихже возвеселил еси своим житием.

Образ быв и подобие к добродетели, отче, / возводил еси всех  
к высоте Божественнаго рачения, / наказуя добродетели приле-  
жати.

**Богородичен:** Тя, общее любочестие, Всенепорочная, / нашего  
естества, вси славим, / уста едины бывше и едино согласие со-  
вершивше.

## Кондак, глас 1:

**В**се умное свое желание к Богу вперив, / житейския молвы до  
конца отринул еси, / в молитвах, и слезах, и злострадани-  
их плоть свою изнуряя, / добре подвизався противу невидимаго  
врага козней, / и, победив я, путь морской человеком без вреда от  
ядовитаго червья сотворил еси / и, веселяся, пришел еси к небес-  
ным чертогом, / идеже ныне со Ангелы Святей Троице предстоя, /

молишися непрестанно, / сохраняя нас от враг видимых и невидимых / и ненаветны соблюдая от скорбей, зол и болезней, / да твоими молитвами спасемся, // Варлааме преподобне, отче наш.

### Икос

**О**твѣрзи ми устне, преблаженне, / богоприятными ти молитвами предстою Богу, / да воспою преславное твое житие и болезненную язву твою, / яже на мори Христа ради терпел еси, преподобне. / Столп бо явился народу поморскому на мори / и правило светло иноком на земли, / равно Ангелом стяжав житие, / в незаходимая воистину вселився, / многокозненнаго врага победил еси, да твоими молитвами спасемся, // Варлааме преподобне, отче наш.

### Песнь 7

**Ирмос:** *Отроцы благочестивии в Вавилоне образу златому не поклонишася, / но посреде пещи огненныя орошаеми, / песнь воспеваху, глаголюще: // превозносимый отцев и нас Боже, благословен еси.*

**В**молитвах бодренное и в пощении крепкодушное, / терпение во искушениях неослабное, / ума чистотою, преподобне, показал еси, / земли бо и земных достойно отступив, / небесное обрел еси наслаждение, воспевая: / благословен Бог отец наших.

**О**стр ум имея к Богу внимати, / страсти душеленныя успил еси / и снопы благоплодия пожал еси, / питая благочестно восхваляющих тя и поющих: / благословен Бог отец наших.

**Р**евностию Христовою ярость поострив, / непреклонно слезами и слезными каплями истиннаго плача / ярости и напраснства весь пламень погасив, / желания безчестия несытна, / молчанием вопиаше: / благословен Бог отец наших.

**Ц**еломудрие, отче, притяжав, / иже на Божественную любовь возшед, / прият дары исцеляти недуги душ и телес наших, / иже к Богу приблизиться можем, вопиюще: / благословен Бог отец наших.

**К**роток, и милостив, и чист быв, / кратких землю достиг еси, отче Варлааме, / укроти настоящую бурю сердца моего, / да, в тишине Божественней быв, / песнословлю твоя подвиги и воспеваю: / благословен Бог отец наших.

**Е**стество плотское повинув духови постом и воздержанием, / душу же Божественными дарованиями просветив, /

превысо́к умо́м су́щих в вещѣх я́влься, / невещѣственна да-  
рова́ния Ду́ха Свята́го прия́л еси́, воспева́я: / благословѣ́н Бог  
оте́ц на́ших.

**Богородичен:** Углё́м Иса́ия от Серафима́ от алтаря́ очища́ется, /  
возопи́ велегла́сно: се, Де́ва во чре́ве прии́мет и роди́т Сы́на, и на-  
реку́т и́мя ему́ Еммануи́л, е́же есть сказа́емо: с на́ми Бог. / Ему́же  
вопи́ем: / благословѣ́н Бог оте́ц на́ших.

## Песнь 8

**Ирмо́с:** *Му́сикийским о́рганом согла́сующим / и лю́дем безчи́с-  
ленным, покланя́ющимся о́бразу в Де́вре, / три о́троцы не пови-  
ну́шеся, // Го́спода воспева́ху и славосло́ваху во вся ве́ки.*

**Ц**ели́ши незави́стно ве́рно призыва́ющия тя, / цели́тель от  
Бо́га показáлся еси́, / очи́стник, блаже́нне, и прогони́тель  
лукавых ду́хов, / я́ко звезда́ все́светлая от пусты́ни, воссия́в чуде́с  
луча́ми, / просвеща́я вопи́ющих: / Го́спода по́йте и превозноси́те  
Его́ во ве́ки.

Ору́жие пе́ние имѣ́л еси́, / моли́тву же – стѣну, / непоро́чную  
слезу́ – умыва́ние, / омыва́лище скверна́м душе́вным, / па́мять  
же сме́ртную сожитѣ́льницу стяжа́в, преподо́бне, / е́юже ум очи́-  
стив, Бо́га зрѣ́ти сподо́бися, поя́: / Го́спода по́йте и превозноси́те  
Его́ во ве́ки.

Морско́е не́дро освяти́л еси́, преподо́бне, / кро́плением свя-  
щенны́я во́ды, я́ко пау́чину, че́рви отгоня́, / мы же, не терпя́ще  
кре́пости твоея́ ду́ховны́я зрѣ́ти / и нечу́вственная отбега́юще, /  
Го́споду, тя в сем просла́вльшу, я́ко ве́рна Своего́ раба́, вопи́ем: /  
Го́спода по́йте и превозноси́те Его́ во ве́ки.

Естество́м добродѣ́телей любве́ сопря́глся еси́ отцу́ Трифону́ /  
в ду́ховных ему́ исправлѣ́ниях, / в пу́сте мо́ри с ним озе́мствуя-  
ся, / соприча́стное души́ очища́юще, воспева́юще: / Го́спода по́й-  
те и превозноси́те Его́ во ве́ки.

Кро́тостию, о́тче, наве́ты нося́, / терпя́ же и своя́, на тя востаю́-  
щия, / оте́ческим нра́вом послѣ́дуя, тех жити́е в себѣ имѣ́я, / при-  
и́м от Бо́га де́йство благода́ти, поя́ше: / Го́спода по́йте и превоз-  
носи́те Его́ во ве́ки.

Мо́щи твоя́ источа́ют ве́рным исцелѣ́ние, / па́мять же твоя́,  
блаже́нне, сия́ющи па́че со́лнца / и всем ду́ши просвеща́ющи, /  
ми́ра мы́сленнаго восхища́ет, пою́щих: / Го́спода по́йте и пре-  
возноси́те Его́ во ве́ки.

**Богородичен:** Ум ѹбо есть Нерожденный Отец, / образно премудрыми предречеса; / Слово же собезначально, соестественный Сын; / и Дух Святыи, еже в Деве от Слова созда воплощение.

## Песнь 9

**Ирмос:** *Тя, Неискусобрачную Матерь Бога Вышняго, / Тя, паче ума рождшую словом воистину Бога, / вышшую пречистых Сил, // немолчными славословении величаем.*

Слезныя капли, яко гасило, стяжал еси / воистину страстным разгорением / и любовью огня Божественнаго росе безстрастия совокупился еси, Христу Богу нашему, / темже ты чтим, Варлааме богомудре, / и верою ублажаем.

Единой любви Христовой приложив свою душу, Варлааме преподобне, / яко заповедей Божиих исполнитель, / многих чудес приял еси благодать, всехвальне, / темже ты почитаем.

Сокровище мощей твоих, Варлааме, / источник показася исцелений, / к нимже всяк притекая, яко от окрина, воды почерпает независтно / и избавляется всяких страстей душевных и телесных. / Сего ради ты ублажаем, / преподобне.

Господь прослави Своего угодника, / яко ни гроб, ходатай забвения, того добродетели сокрыти возможно, / мы же, истекающими чудне от него знаменьями / не точию ближняя, но и дальняя оглашающе, / трубы яснейши вопием и проповедаем подвиги и труды его.

Память твою священную творящим, отче, / не престай моля Избавителя даровати согрешений оставление / и Небесное Царство воспряти, / идеже глас празднующих веселит вся.

О, троице присноблаженная, / равночестнии отцы: Феодорите, Трифоне и Варлааме, / яко едино блаженство имущии от Бога, версто предобрая, / призывающих и восхваляющих вы от всех лютых спасайте / теплым предстательством вашим.

**Богородичен:** Теснит мя широта величий Твоих, Владычице, / подавляющи слово от частости, / и преславно ми случается еже недоумеватися от благомощества, / темже толико Тя Возвеличившаго славим.

## Светилен:

Подобен: Жены услышите:

**Ч**увственныя страсти телесныя победив многими подвиги, / тяготою велиею и терпения бродами, чудодественниче Варлааме, / и ревности безплотных на земли и на мори показав, / вся плотская желанья духу повинул еси: / тем ныне в небесных селениях водворяясь, // моли о душах наших.

## Слава, и ныне, Богородичен:

**Т**я песнями немолчными ублажаем, Дево, / яко от Троицы Единого родила еси, Богородице, / и носиши на Божественную руку пребогатое Слово // непременно и неизменно.

## На хвалитех стихиры на 4, глас 6:

**Б**лагодать Духа, отче Варлааме, / тебе возсиявши, светло просвети ты, / отсюда умалил еси страстей ночь / и безстрастия день постигл еси, / чисте чистейшему Свету совокуплься, / в Нем же жительствуя, не забуди, богогласе, // верою поющих священную твою память.

Благодать, желанную тебе, Варлааме, нося небесную, / земных небрегл еси, / сего ради избра ты Господь на страдальческое житие, / яко безплотен пребывая, / скорби и болезни понесе, / слезами изсушил еси мутный источник страсти греховныя. / Ныне же присносущныя сладости источника воды, / текущая в живот вечный, // благочестно наслаждаешься, богоприятне.

Благодать исцелений духовных, Варлааме, / от благодати Божественныя достойно приял еси: / отсюда духов тебе лукавых низлагается прелесть, / ратоборец на бесов явился еси / и, недуг неудобных тли отбег, прешел еси, преподобне, / источаеши бо, яко воды, благодатныя твоя струи, / от нихже напаяеми, // воспеваем память твою.

## Слава, глас 2:

**Б**огоносне преблаженне Варлааме, / все плотское мудрование духу повинул еси, / пощения и изнурения телеснаго страданиями утвердився, / яко злато, в горниле искушено, сияя, явился, / приятелище был еси Духа Пресвятаго. / Поминай нас, чтущих память твою священную, / умоли Господа, да милостив нам будет // во множестве Своея благодати.

## И ны́не, Богоро́дичен:

**В**се упова́ние моё на Тя возлагаю, / Ма́ти Бо́жия, // сохрани́ мя под кро́вом Твои́м.

## Славосло́вие вели́кое и отпу́ст

### НА ЛИТУРГИИ

Блаже́нны от канона́, пе́сни 3-я и 6-я.

**Проки́мен, глас 7:** Восхва́лятся преподо́бнии во сла́ве / и возра́дуются на ло́жах свои́х. **Стих:** Воспо́йте Го́сподеви песнь но́ву: **Апо́стол к Коринфяном, зача́ло 176.** Аллилу́ия, **глас 6:** Блаже́н муж, боя́йся Го́спода: **Стих:** Си́льно на земли́ бу́дет се́мя его́. **Ева́нгелие от Луки́, зача́ло 24.** Прича́стен: **В** па́мять ве́чную:

## ЯКЯФИСТ

преподобному Варлааму, Керетскому чудотворцу

### Конда́к 1

**И**збра́нный чудотво́рче и уго́днице Христо́в, преподо́бне о́тче наш Варлаа́ме, / ве́рный учени́че преподо́бнаго Феодори́та и дру́же преподо́бнаго Трифо́на, / ско́рый неду́гов душе́вных и телесных целите́лю, / путь свой слеза́ми моли́твы омы́вый / и о́браз пока́яния нам дарова́вый, / приими́ от нас с любо́вию приносимо́е тебе́ хвале́бное пе́ние / и, я́ко име́яй дерзнове́ние ко Го́споду, / моли́твами твои́ми от вся́ких бед и скорбе́й свободи́ нас, / зову́щих ти: /

**Ра́дуйся, преподо́бне Варлаа́ме, // земли́ се́верныя пресла́в-ный чудотво́рче.**

### И́кос 1

**Д**у́ха Свята́го тепло́ю, му́дре, / жела́ние се́рдца твоего́ со-гре́яв / и зи́му страсте́й умертви́в, / погрузи́л еси́ страсте́й все воста́ние / в пучи́не скорбе́й, священны́й о́тче Варлаа́ме, / в лади́и те́сней вози́мь по полно́щному окиа́ну-мо́рю, / многоко́зненную си́лу де́монскую низложи́л еси́ / и вконе́ц немо́щны ты́я

показал еси. / Мы же, таковым подвигом твоим дивящися / и благоговейне чтуще тя, / воспеваем ти сице:

Радуйся, яко от юности своея Бога возлюбил еси;

Радуйся, яко в юнем телеси крепость мужескую явил еси.

Радуйся, сил диавольских без страха посрамителю;

Радуйся, совершеннаго послушания духовному отцу своему ревнителю.

Радуйся, яко во искупление согрешения суеты мира сего отрелся еси;

Радуйся, яко в мале ладиице по водам шествие творил еси.

Радуйся, в покаянии и скорби в зельнем обуревании носимый;

Радуйся, на дүхи нечистыя власть от Господа приемый.

Радуйся, преподобне Варлааме, // земли северныя преславный чудотворче.

## Кондак 2

Освящен убо быв Божественною благодатию / служити святому жертвеннику, / всесожжение словесное принесл еси приятно Богу, / Агнца несквернаго и богоприятнаго рукама закалая, / ангельскому житию поревновав непрестанными молитвами, / зритель и жрец сподобися быти, / благодатию совершаемь Святаго Духа. / Мы же, ревность твою по Бозе прославляюще, / воспойм Богу песнь: // Аллилуиа.

## Икос 2

Христову Плоть раздробляя рукама, / служитель Сего истинный явился еси, / возношения в премирная вознося / и от туду и мир людем своим снося, Варлааме пречудне. / Сего ради, любовию подвизаеми, / воспеваем тебе таковая:

Радуйся, измлада доброту Владыки Христа возлюбивый;

Радуйся, в правоверии и благочестии верно послуживый.

Радуйся, премудраго Феодорита чадо духовное;

Радуйся, страданием трилетным покрывый деяние греховное.

Радуйся, преподобнаго Трифона друже и собеседниче;

Радуйся, святых Ионы и Германа славный сподвижниче.

Радуйся, от люда поморскаго любовию прославляемый;

Радуйся, подвижниче, благодатию Божию охраняемый.

Радуйся, Церкви Русския украшение;

Радуйся, силам бесовскаго зла устрашение.

Радуйся, преподобне Варлааме, // земли северныя преславный чудотворче.

### Кондак 3

**Л**укавый змий не терпяше зрѣти тя, выну Богу предстояща / и молитву о людех приносяща, / подходит на твою супругу, вадя насмешение странно. / Ты же ю яко узрев, с яростию на ню устремився, / поражаеши ю смертною язвою / и гробу предаеши. / В себе же пришед, в сокрушении сердечнем, / в скорби и в горести, нашедшей на тя, / возопи к Богу: // Аллилуиа.

### Икос 3

**У**бийству убо совершившуся, земли тело предав, / отходиши во град Колу / к тамошнему иерею блаженному Феодориту, / извествуй о убийстве и прося прощения, / слезами землю омывая, / о содеянных в ярости и невоздержании. / Мы же, зряще тя, отче, зельною скорбию скорбяща, / стняяща и плачуща вельми, / глаголем ти словеса утешна:

Радуйся, покорение отцу духовному ясно явивый;

Радуйся, слезами скорбей путь свой морской оросивый.

Радуйся, яко востал еси, стняя и плача о бывшем тебе искушении;

Радуйся, яко во страданиях твоих да обрящещи спасение.

Радуйся, старцем премудрым земли Полнощныя воспитанный;

Радуйся, яко во смирении подвиг творил еси покаянный.

Радуйся, во страданиях твоих плоть бедне смиривый;

Радуйся, плод достойный покаяния сотворивый.

Радуйся, преподобне Варлааме, // земли северныя преславный чудотворче.

### Кондак 4

**П**овинися убо старцу Феодориту о содеянных тобою, / и дает ти старец иго легко: / еже мертваго носити во гробе, дондеже изгниет тело умершия, / самому же в постѣ и молитве пребывать / и таково воздержание имети, / яко и рыбе точию единою на Пасху причащаются. / И тако жребий грешника да не спадет на тя, / и нераскаянный да не погибнеши. / Научи и нас, отче Варлааме, / воздыханием слезным сотворити плод достоин покаяния / и со умилением сердец зывать Богу: // Аллилуиа.

## І́кос 4

**Т**аково́е бо за́преще́ние при́им, / те́ча́ше, ра́дуяся, / и, те́ло отко́па́в, в лади́ю вложи́в во гробе́, / сам же, я́ко во гроб, устреми́ся в ню́, / с ме́ртвою ше́ствуя ле́том двана́десят путе́й по оки́яну-мо́рю, / по непрохо́дным ме́стом. / Мы же, дивя́щесе́ сему́ достохва́льному тво́ему послуша́нию, / ублажа́ем тя си́це:

Ра́дуйся, ве́ру соверше́нную отцу́ духо́вному яви́вый;

Ра́дуйся, с терпе́нием мно́гим го́ресть изгна́ния вкуси́вый.

Ра́дуйся, я́ко многотру́дным путе́м во́днаго стра́нствия ше́ствовал еси́;

Ра́дуйся, я́ко гла́дом и жа́ждею плоть свою́ иста́ял еси́.

Ра́дуйся, на по́двиг пока́яния, я́ко на крест, взойти́ помысли́вый;

Ра́дуйся, во дни смире́ния свое́го со уме́ршими себе́ сочи́сливый.

Ра́дуйся, лю́ду морско́му о́браз хра́брства ду́ши пока́завый;

Ра́дуйся, муже́м море́й полно́щных похва́ло и сла́во.

Ра́дуйся, преподо́бне Варла́аме, // земли́ се́верныя пресла́вны́й чудотво́рче.

## Конда́к 5

**Н**о́сиши за плещми́ ме́ртвое те́ло, / подо́бся дре́вним скитским отце́м, / терпя́ вся́ку скорбь от ме́ртваго телесе́ три ле́та, / до́ндеже ме́ртвое те́ло изгни́ до конца́, и та́ко па́ки землі́ предаде́ е, / тем исцеле́ния дар от Го́спода сподо́бися при́яти, Варла́аме преподо́бне. / Моли́ Христа́ Бо́га грехо́в оставле́ние пода́ти / чту́щим любо́вию святу́ю па́мять твою́ / и во умиле́нии серде́ц вопи́ющим ко Го́споду: // Аллилу́иа.

## І́кос 5

**В**идел еси́ оки́янскую пучи́ну нечи́сту / и челове́ки непроходи́му от мно́жества че́рвия, / иже осто́вы верте́ти кора́бле́й есте́ством навы́кших. / А́ще и есте́ством непобеди́ми че́рвие бы́ша, / но твоея́ моли́твы Бо́гу послу́шаша, / я́ко отбе́гнути и оты́ти пове́лева́еши им в непроходи́мая ме́ста от Свята́го Но́са, / иде́же тьма и мрак глубо́к безпреста́ни су́ть. / Тако́вым зна́мением и чудесе́м твои́м дивя́щесе́, / восхваля́ем тя си́це:

Ра́дуйся, я́ко триле́тне стра́нен и стра́ждущ пла́вствовал еси́;

Ра́дуйся, я́ко че́рвие морсти́и твоея́ моли́твы Бо́гу повину́лися.

Ра́дуйся, я́ко творе́ние си́е во свое́м ро́де преобразова́лося е́сть;

Ра́дуйся, я́ко лю́дие ра́доваху́ся зело́, услы́шавше благу́ю весть.

Ра́дуйся, я́ко путь морский стро́ен и благопоспéшен созда́л еси́;  
Ра́дуйся, я́ко во́лю Бо́га Вы́шняго всем се́рдцем взыска́л еси́.  
Ра́дуйся, я́ко тобо́ю же о Си́ле Бо́жией естества́ уста́вы премене́-  
ни́шася;  
Ра́дуйся, я́ко ны́не корабли́ с пéснию в мо́ре устреми́шася.  
Ра́дуйся, преподо́бне Варла́аме, // земли́ се́верныя пресла́в-  
ный чудотво́рче.

### Конда́к 6

**М**у́жеством души́ в ве́ру воору́жився, / бу́рю и дождь, и всякую́  
возду́шную нужду́ терпя́, / потща́лся еси́ сохра́нити за́по-  
ведь отца́ своего́ духо́внаго / и того́ ра́ди прия́л еси́ от Вседер-  
жителя́ Бо́га венéц побéдный на стра́сти / и на бе́сы исцелéние, /  
воспева́я Бо́гу чудотворя́щему: // Аллилу́иа.

### И́кос 6

**Н**о́сиши ме́ртваго, я́ко жи́ва, в пусты́ню Чупу́ с собо́ю, / и  
та́мо молитвою́ на врага́ воору́жа́ешься, / нестерпи́мыя его  
стре́лы сокруша́я постóм и терпéнием, и обновля́ешься, я́ко оре́л,  
преподо́бне, / измы́вся и очисти́вся в пусты́ни от всех стра́стных  
дея́ний, / и, я́ко елeнь, быстроте́кий ко исто́чником вод, / очи-  
ща́ясь зми́йныя я́ди. / Мы же, дивя́щеся таково́му о тебе́ Бо́жию  
смотре́нию, / ра́достно воспева́ем ти:

Ра́дуйся, я́ко Боготéчней звездé Полно́щней уподо́бился еси́;

Ра́дуйся, я́ко в мо́ри путиé тво́я и стези́ тво́я в вода́х мно́гих  
соде́ял еси́.

Ра́дуйся, я́ко вся брега́ страны́ се́верныя с пла́чем и слеза́ми  
обте́кл еси́;

Ра́дуйся, я́ко прóтив зельна́го обурева́ния во дни́ и в но́щи  
пла́вал еси́.

Ра́дуйся, я́ко тобо́ю бысть спасéние рыба́рем, в вода́х мно́гих  
ги́бнущим;

Ра́дуйся, о́браз крéпости духо́вныя яви́вый всем на мо́ри стра-  
жду́щим.

Ра́дуйся, в пла́вании трилётнем крест свой терпели́вно носивы́й;

Ра́дуйся, му́жеству во искуше́ниях ве́лиих всех нас научи́вый.

Ра́дуйся, преподо́бне Варла́аме, // земли́ се́верныя пресла́в-  
ный чудотво́рче.

## Кондак 7

**В**идел еси зиждему святым Трифоном обитель в Печензе, за  
окияном-морем, / и семо устремися видети того труды и  
подвиги. / И, ту пребыв немного время, / оставляеши бо Три-  
фоново селение / и возвращаешися паки к Керети, пророчески  
тому прорече: / о, Трифоне, сподобился еси обитель воздвигнути  
и братию обрати, / будут бо людие и села zde зле неукротимы,  
яко дивии звери, / твоей ветхой ярости и острожелчию подобя-  
щихся. / Мы же, дивящися благому твоему проречению, / Вразу-  
мившему ты благодарственную песнь приносим: // Аллилуиа.

## Икос 7

**М**оре убо на плещу своею тебе носаше / из Печенги в пусты-  
ню во устье Чупы, / привлекше корабли своими струями, в  
нихже ядовитыя черви очистил еси, / и по тоням телеса мертвых,  
востающая бесовским действием, виде, / и сим уснути до Христова  
второго пришествия повеле, / да не бессмертно пребудет злое, /  
якоже рече иже богословию тезоименитый Григорий. / Мы же,  
поминающе толикую твою к подвигу духовному ревность, / со  
умилением взываем ти таковая:

Радуйся, дни вины своея мужественне исполнивый;

Радуйся, трилетным покаянным плаванием тяжкий грех ис-  
целивый.

Радуйся, ревностным путем твоим демоны опаливый;

Радуйся, многи бо от жестоких напастей и скорбей разрешивый.

Радуйся, Божий светильниче златый неугасаемый.

Радуйся, житию и подвигов древних отец ревнитель сый;

Радуйся, злостраждущих от духов злобы скорый заступниче.

Радуйся, в скорбех и смирении мнозем верный помощниче;

Радуйся, преподобне Варлааме, // земли северныя преслав-  
ный чудотворче.

## Кондак 8

**В**се умное свое желание к Богу вперив, / житейския молвы до  
конца отринул еси, / в молитвах, и слезах, и злостраданиих  
плоть свою изнуряя, / добре подвизався противу невидимаго  
врага козней, / и, победив я, путь морской от ядовитаго червья /  
человеком без вреда сотворил еси, / и, веселяся, пришел еси к  
небесным чертогом, / и многими чудесы прославися, / темже, к  
тебе с любовью притекающе, / вопием Богу: // Аллилуиа.

## И́кос 8

**О**твёрзи ми устне, преблаженне, / богоприятными ти молитвами предстоя́ Бо́гови, / да воспою́ пресла́вное твоё жити́е и болéзненну́ я́зву твою́, / я́же на мори́ Христа́ ра́ди совершил еси́, преподо́бне. / Столп бо явися́ лю́ду поморскому́ на мори́ / и пра́вило свѣтло ино́ком на земли́, / ра́вно А́нгелом стяжа́в жити́е, / в незаходи́мая вои́стину всели́вся, / многоко́зненнаго врага́ победи́л еси́, / да твоими́ молитвами спасе́мся, / славосло́вяще тя си́це:

Ра́дуйся, во А́нгельский чин облече́нный;

Ра́дуйся, к ли́ку преподо́бных сопричтѣнный.

Ра́дуйся, исто́чнице, жа́жду грехо́вную утоля́ющий;

Ра́дуйся, вои́не Христо́в, бесо́в молитвою́ устраша́ющий.

Ра́дуйся, боля́щих душо́ю и тѣлом безме́здный целите́лю;

Ра́дуйся, коле́блющимся в ве́ре о́браза до́браго подате́лю.

Ра́дуйся, научи́вый молитвою́ кре́пкою́ тяготы́ морскія́ носіти;

Ра́дуйся, научи́вый на мори́ наде́жду на спасе́ние храни́ти.

Ра́дуйся, преподо́бне Варлаа́ме, // земли́ се́верныя пресла́вный чудотво́рче.

## Конда́к 9

**Г**оспо́дь просла́ви Своего́ уго́дника, / я́ко ни гроб, ходата́й забвѣния, то́го добродѣтели сокры́ти возмо́же, / трубы́ бо яснейши во́пием: / истека́ющими от него́ зна́меньми чу́дне, / не то́чию же бли́жня, но и да́льня оглаша́я, / пропове́даем му́жа по́двиги и труды́. / Сего́ ра́ди лю́дие поморсти́и просла́вльшаго́ тя Го́спода сла́вят, / с ними́же и мы во́пием Ему́: // Аллилу́иа.

## И́кос 9

**Б**огоносе преблаженне Варлаа́ме, / все плотско́е мудрова́ние ду́ху повину́л еси́, / поще́ния и изнурѣ́ния тѣлеснаго страда́ньми утверди́вся, / я́ко зла́то, в горни́ле искуше́но, сия́я, яви́вся, / приятели́ще был еси́ Ду́ха Пресвята́го. / Помина́й нас, чту́щих па́мять твою́ при́сно свяще́нную / и мо́щем твои́м покланя́ющихся, / умоли́ Го́спода, да, послу́шая нас, ми́лостив нам бу́дет / во мно́жестве Своея́ благода́ти. / Мы же, иму́ще таково́е безце́нное сокрови́ще, / воспева́ем ти си́це:

Ра́дуйся, ра́дость Го́спода твоего́ вкуси́вый;

Ра́дуйся, мно́гая чудеса́ и зна́менія от мо́щей свои́х яви́вый.

Ра́дуйся, припада́ющим к тебе́ ско́рую по́мощь подава́я;

Ра́дуйся, со всего́ кра́я Помо́рскаго де́моны изгоня́й.  
Ра́дуйся, исто́чнице чуде́с, неду́гующих исцеля́й;  
Ра́дуйся, в морех отча́янных и безнаде́жных ободря́й.  
Ра́дуйся, яко́ стяжа́л еси́ му́жество и на Бо́га наде́яние;  
Ра́дуйся, земли́ полно́щныя ве́рное от бед спасе́ние.  
Ра́дуйся, преподо́бне Варлаа́ме, // земли́ се́верныя пресла́в-  
ный чудотво́рче.

### Конда́к 10

**П**риидите, любя́щие пресла́вныя по́двиги святы́х, / восхва́-  
лим преподо́бнаго Варлаа́ма из Ке́рети, / той бо благобы́тие  
ми́ра сего́ превредил е́сть / и, живо́т свой ни во что́же вмени́в,  
крест тяжкий взем, / Христу́ смире́нием и до́блестию последовал  
е́сть. / Мы же Бо́га, дивнаго во святы́х Свои́х, / подаю́щего нам  
приука́з безприкла́дный и ве́лие наде́яние, / благода́рственне  
прославля́ем си́це: // Аллилу́иа.

### И́кос 10

**В**олнобу́рныя молвы́ жити́я избежа́в, / три ле́та шествоваше  
по ледова́тому мо́рю, / земных и тленны́х наслажде́ние пре-  
зрѣв, / Христу́ последовал еси́ / и безмо́лвныя житѣли возлюбил  
еси́, / ко оти́шию же пещѣры святы́я дости́гнув, со зверьми́ озем-  
ствуяся, / пусты́нное озлобле́ние усер́дно подъя́л еси́, / де́мон-  
ская же ополче́ния и их многоко́зненную си́лу посра́мил еси́. /  
Те́мже твою́ па́мять при́сно пе́сньми восхваля́ем ве́рно / и вопи́-  
е́м ти с любо́вию тако́вая:

Ра́дуйся, в пу́сте мо́ри превели́кий в напа́стех защи́тнице;  
Ра́дуйся, всех чрез моря́ странствую́щих и́стинный засту́пнице.  
Ра́дуйся, яко́ в пусты́ни поко́я вита́лище последне́е обрѣ́л еси́;  
Ра́дуйся, яко́ стра́ждущих от духо́в нечи́стых исцеля́л еси́.  
Ра́дуйся, скорбя́щим и неча́емым на мо́ри по́мощь подава́яй;  
Ра́дуйся, жизнь боле́зненну в пусты́х ме́стех вкуша́яй.  
Ра́дуйся, богомы́слия и молча́ния и́стинный любите́лю;  
Ра́дуйся, моли́твенниче, дивных чуде́с при́сный подате́лю.  
Ра́дуйся, преподо́бне Варлаа́ме, // земли́ се́верныя пресла́в-  
ный чудотво́рче.

## Кондак 11

**Я**вился еси исцелений струя обильная, / богоблаженне отче наш Варлааме, / многомятежнаго пламене углие страстей угасил еси. / Узкий и прискорбный шествовав путь, / воистину сна твоима очима не дал еси, / ниже плоти твоея упокоения, / и телесне убо преставился еси, / духом же жив сый, предстоиши Богу, / Емуже в житии работал еси, / благодарственно воспевая: // Аллилуиа.

## Икос 11

**С**окровище мощей твоих, Варлааме, / источник показася исцелений, / к нимже всяк притекаяй, яко от окрина воды, почерпает исцеление независто / и избавляется всяких страстей душевных и телесных. / Сего ради ты ублажаем, преподобне, / благодарственно взываем / и тепле вопием:

Радуйся, якоже сокровище неоскудно, мощи твоя нам дашася;

Радуйся, яко избави я Господь от запаления, и тии от огня спашася.

Радуйся, яко мощей твоих беси бежаху в безводное;

Радуйся, сердца наша обращаая к покаянию всеплодному.

Радуйся, яко демонская свирепства запретил еси;

Радуйся, яко силу языческия тьмы молитвою отгонял еси.

Радуйся, яко и нас благодатным светом осияваеши;

Радуйся, яко Кол-звездо, на землю Полнощную свет изливаеши.

Радуйся, преподобне Варлааме, // земли северныя преславный чудотворче.

## Кондак 12

**Ц**елиши независто верно призывающия ты, / целитель от Бога показался еси, / очистник, блаженне, и прогонитель лукавых духов, / яко звезда всесветлая от пустыни, воссияв чудес лучами, / просвещая вопиющих: приидите, монашествующих множество, / днесь Варлаама песньми и пенъми восхвалим, / и купно с ним возрадуемся Господеви, и воскликнем: // Аллилуиа.

## Икос 12

**Е**же по образу соблюд невредимо, / ум Христов на немощное естество постнически поставив, / во еже по подобию яко мощно возшел еси: / мужески в пусте мори с мертвою шествовал

еси / и сотворил еси ладю во гроб, / естество на подвиг понудив, / потщался еси плоть поработити духу. / Темже житель пустынный явился еси, / правило добродетели известнейшее, отче наш Варлааме, / вне бо плоти и мира быв, / паче видимых пожил еси истинно: / не бо жил еси тебе самому, / живяше же паче в тебе Христос Бог наш. / Того моли спастися душам нашим, / вопиющим ти таковая:

Радуйся, преславне Варлааме, Помория пресветлый светильниче;  
Радуйся, в воздержании и благодетерпии скорый помощниче.  
Радуйся, яко многа чудеса о Христе сотворил еси;  
Радуйся, яко имиже бесов ярость укротил еси.  
Радуйся, жажды и безпичия столпе непоколебимый;  
Радуйся, действия диавольскаго прогонителю неодолимый.  
Радуйся, от беснования лютаго страждущих свободителю;  
Радуйся, почитающих память твою небесный покровителю.  
Радуйся, преподобне Варлааме, // земли северныя преславный чудотворче.

### Кондак 13

О, великий угодниче Божий, преподобне отче наш Варлааме, / все умное свое желание к Богу вперив, / житейския молвы до конца отринув еси, / в молитвах, и слезах, и злостраданий плоть свою изнуряя, / добре подвизався противу невидимаго врага козней, / и, победив я, веселяся, пришел еси к небесным чертогом, / идеже ныне молишия непрестанно, / сохраняя нас от враг видимых и невидимых / и ненаветны соблюдая от скорбей, зол и болезней, / да твоими молитвами сподобимся в Царствии Небеснем с тобою и со всеми Небесными Силами / Ангельскую песнь воспевати: // Аллилуиа.

Этот Кондак читается трижды, затем Икос 1 и Кондак 1.

### Икос 1

Духа Святаго теплотою, мудре, / желание сердца твоего согрив / и зиму страстей умертвив, / погрузил еси страстей все востание / в пучине скорбей, священней отче Варлааме, / в ладий тесней возьми по полнощному окянью-мору, / многокозненную силу демонскую низложил еси / и вконец немощны тыя показал еси. / Мы же, таковым подвигом твоим дивящися / и благоговейне чтуще тя, / воспеваем ти сице:

Радуйся, яко от юности своея Бога возлюбил еси;  
Радуйся, яко в юнем телеси крепость мужескую явил еси.

Ра́дуйся, сил диáвольских без стра́ха посрамителю;  
Ра́дуйся, соверше́ннаго послуша́ния духо́вному отцу́ своему́ ревнителю.

Ра́дуйся, я́ко во искупле́ние согреше́ния суеты́ ми́ра сего́ отрёклся еси́;

Ра́дуйся, я́ко в ма́ле лади́ице по вода́м ше́ствие творил еси́.

Ра́дуйся, в покая́нии и ско́рби в зельнем обурева́нии носимый;

Ра́дуйся, на ду́хи нечи́стыя вла́сть от Го́спода прие́мый.

Ра́дуйся, преподо́бне Варлаа́ме, // земли́ се́верныя пресла́в-  
ный чудотво́рче.

### Конда́к 1

**И**збра́нный чудотво́рче и уго́днице Христов, преподо́бне о́тче наш Варлаа́ме, / ве́рный учени́че преподо́бнаго Феодорита и дру́же преподо́бнаго Трифо́на, / ско́рый неду́гов душе́вных и телесных целителю, / путь свой слеза́ми моли́твы омы́вый / и о́браз покая́ния нам дарова́вый, / прими́ от нас с любóвию приносимое тебе́ хвале́бное пение́ / и, я́ко име́яй дерзнове́ние ко Го́споду, / моли́твами твои́ми от всяких бед и скорбе́й свободи́ нас, / зову́щих ти: /

Ра́дуйся, преподо́бне Варлаа́ме, // земли́ се́верныя пресла́в-  
ный чудотво́рче.

## ЖОЖУТЯ

### святому преподобному Варлааму Керетскому

**О**, преподо́бне о́тче наш Варлаа́ме, я́ко име́яй дерзнове́ние ко Творцу́, Изба́вителю́ всех, И́же в Тро́ице Святе́й покланя́емому́ и́стинному́ Христу́ Бо́гу на́шему, помяни́ нас, грешных и недостойных щедро́т Его́, у стра́шнаго Престо́ла Го́спода Сла́вы и Судии́ всех, иде́же ты в со́нме пра́ведных предстои́ши.

Да пода́ст Госпо́дь нам непотре́бным, погруже́нным в бе́здну грехо́вную, покая́ние серде́чное, слез излия́ние и пла́мень стыда́ во утроба́х на́ших. В сем же пла́мени да сгоря́т вся на́ша беззакония́ и неправды́, я́же соде́лали есмы́ во вся дни живота́ на́шего, да не бу́дем насле́дницы пла́мене ге́еннскаго, гото́ваго пожре́ти ду́ши на́ша.

Мо́лим тя, о́тче святы́й, умоли́ Го́спода Вседержи́теля дарова́ти нам сил и мудро́сти, во е́же изба́виться от всякаго тлетво́рнаго

страстнаго дѣйства, от поползновѣнія греховнаго. Упроси, ѡтче Варлааме, Всемилостиваго Бога даровати нам ревность о житиѣ мирнем и безгрѣшнем, о стяжаніи молитвы чистыя, о пребываніи в постѣ и добродѣтелях христіанских.

Не премолчи, вопиѣ за ны ко Господу, да с терпѣніем течем на предлежащій нам подвиг, имуще в житиѣ твоѣм образ назиданія не токмо ликом иноческим, но и людем мирским.

Научи нас, богоносне ѡтче Варлааме, каятися твоим покаяніем суровым, полагаются несумненно на волю Господа нашего, яко да и малая ладья смертнаго сего телесе нашего без препятія одолеет бурный океан греховных страстей міра сего и к тихому пристанищу притечет, идеже ты и вси от века Богу угодившии пребывают во Христѣ Иисусе Господе нашем, Ему же подобает всякая слава, честь и поклоненіе, со Безначальным Его Отцем и Пресвятым, и Благим, и Животворящим Его Духом, ныне, и присно, и во веки веков.

Аминь.

## ИНА МОЛИТВА

### преподобному Варлааму Керетскому

**О**, преподобне ѡтче наш Варлааме, яко имей дерзновение ко Творцу, Избавителю всех, Иже в Троице Святей поклоняемому истинному Христу, Богу нашему, помяни нас в молитвах своих и всех нас моленія, Богу возсылаемая, прими и принеси ходатайственне. Молим тя, ѡтче святой, избави ны от всякия напасти, и на мори от зельнаго обуреванія, и от всех видимых и невидимых враг ненаветны соблюди, яко да твоими молитвами, святе, согрешеній наших оставленіе получим и вечных благ сподобимся благодатию и человеколюбіем Господа нашего Иисуса Христа, Ему же слава со Отцем и Святым Духом, ныне, и присно, и во веки веков. Аминь.

### Величание:

**У**блажаем тя, / преподобне ѡтче наш Варлааме, / и чтим святую память твою, / наставниче монахов // и собесѣднике Ангелов.

# ЯКЪФИСТЪ СТИХОТВОРНЫЙ

преподобному Варлааму, Керетскому чудотворцу

Написан гекзаметром – стихотворным размером античной героической поэзии. В ряде случаев для достижения поэтического звучания использованы слова современного литературного языка.

## Кондак 1

**Б**огом избранный угодник Христов Варлааме, / яко зеркало пресветлое, отче святой, показася, / Свет Божества несозданный в себе отражая. / Святче Христов, Варлааме, благий раб Господень, / столп бо явися и правило светло монахом, / Ангелом равно стяжав житие перед Богом. / Север Российский слезами молитвы омывый, / всем мореходом путь благопоспешен содела. / По преставлении множайше повсюду являясь, / от потопления спасаеши, лечиши раны / и от бесовския злобы и козней врагов ограждаеши / всех, почитающих память твою и поющих тебе: // Аллилуиа.

## Икос 1

**А**нгелы, зряще с небес на твой подвиг трилетний, / равным им в крепости веры пред Богом тебя прославляют. / Душу твою, что от века Создатель проведя, / чудным собранием Духа Святого содела. / В храме, на мори, в вертепах, в пустыни Лопарской / тщася стяжать благодать и исполниться даров бесценных. / Чудотворений обильных сподобися, отче премудрый, / в добрый конец приведеса и Царства Христова достиже, / где, предстоя у Престола Великаго Господа Славы, / нас не забуди убогих и песни сии приносящих:

Радуйся, от юности Христа возлюбивый,

Радуйся, страх Божий в сердце своем насадивый.

Радуйся, пред Богом ты чтущих ходатаю скорый,

Ра́дуйся, ско́рбным покрóве, целі́телю хво́рых.  
Ра́дуйся, па́стырю ста́да Христо́ва нелённостный;  
Ра́дуйся, ве́ру Христо́ву храня́й благоде́рзостно.  
Ра́дуйся, се́рдце горе́ до конца́ устремі́вый,  
Ра́дуйся, в ве́чный уде́л Небеса́ получи́вый.  
Ра́дуйся, Варлаа́ме, путь покая́нный слеза́ми омы́вый // и о́б-  
раз греха́ искупле́ния нам дарова́вый.

### Конда́к 2

**С**мо́трит Госпо́дь в твоё се́рдце и предъизбира́ет / быть тебе́  
па́стырем Бо́жия ма́лаго ста́да. / Ты же нелённостно тща́ся  
сподо́биться сей благода́ти, / с Феодорі́том-пусты́нником путь  
свой духо́вный сверя́я, / к му́дрости кни́жной и де́лу моли́твы  
ревну́я. / Рукополо́жен ты бысть во пресви́тера во́лости Ко́лы /  
му́дрым Мака́рием, Но́ваго Гра́да Влады́кой, / в це́ркви Николь-  
скую и Благове́щенья Де́вы Пречи́стой, / где принесёши с лопар-  
скою ве́рною па́ствой / же́ртву хвалёния, Бо́гу поя: // Аллилу́иа.

### И́кос 2

**П**лоть раздробля́ешь Предвече́наго Бо́жия Сло́ва, / Же́ртвен-  
ный А́гнец тобо́й в алта́ре закала́емь. / Та́йна сия́ стра́хом  
Бо́жым тебя́ истязает, / ре́вность по Бо́зе горит изволе́нием се́рд-  
ца: / как укрепі́ть в ве́ре ю́ную па́ству Христо́ву, / как защиті́ть  
сия́ всхо́ды от плёвел нечи́стых? / Мы же, хваля́ твою́ му́дрость в  
явлёнии Ду́ха и си́лы, / вновь воспева́ем ти, ра́дуясь се́рдцем пред  
Бо́гом:

Ра́дуйся, Сло́ва Христо́ва внима́ющий му́дрости;  
Ра́дуйся, Ду́хом призва́нный рабо́тати Го́сподеви.  
Ра́дуйся, злых суему́дрий искорени́телю;  
Ра́дуйся, ве́ры Христо́выя ве́рный ревни́телю.  
Ра́дуйся, А́нгелом ра́вно с супру́гой своёю поживы́ый;  
Ра́дуйся, плоть свою́ ду́ху суро́вым постом подчини́вый.  
Ра́дуйся, бо́ли душе́вныя ско́рый целі́телю,  
Ра́дуйся, во́ли Господни ве́рный служи́телю.  
Ра́дуйся, Варлаа́ме, путь покая́нный слеза́ми омы́вый // и о́б-  
раз греха́ искупле́ния нам дарова́вый.

### Кондак 3

**В**ышняго Сила служенье твоё осеняет, / плачет душа о погібельной власти бесовской, / что похищает во ад неокрепшия души. / Демона древняго ты вызываешь на битву / на Абрам-мысе, на капище идолов мерзких. / Именем славным Христа погран демон великий, / путь невозбранен отныне открыт мореходом. / Злобою дышит, грозит тебе враг человеков / и, уходя, обещает с отмщеньем вернуться. / Мы же, с тобою дивясь на явление силы Христовой, / Богу возносим хвалы и поём: // Аллилуиа.

### Икос 3

**В**елия радость твоя, Варлааме, о чадах духовных, / что возрастают на северной ниве Христовой. / Феодорита рукою те сеемы зерна / в некогда дикую землю Лапландии древней. / Ныне трудами его совершается славное дело, / берег залива украсит обитель святая. / Старцу и авве внимаешь с сыновней любовью, / черпая Премудрости дар от Предвечнаго Духа Святаго / с благословением к новому месту служенья. / Мы ж, восхваляя духовный твой путь, воспеваем:

Радуйся, роду Ааронову Богом причисленный;  
Радуйся, Божий служителю горящий и изкерний.  
Радуйся, с демоном древним в смертную битву вступивый;  
Радуйся, силой Христовой блужение душ запретивый.  
Радуйся, Кольским святым соработниче ревностный;  
Радуйся, лопский народ от врага защищающий дерзостно.  
Радуйся, яко нива Христова обильно тобою угодзается;  
Радуйся, яко имя Христово в Лопарской земле прославляется.  
Радуйся, Варлааме, путь покаянный слезами омывый // и образ греха искупления нам даровавый.

### Кондак 4

**В**Керетской веси отныне тебе предстоять у престола / в церкви святаго Георгия, славнаго война Христова, / что копием прободё ненавистнаго змия, / дабы спасти от погібели душу невинной. / Свято служение в скинии души Варлаама, / ибо на камне веры он малую Церковь воздвиге. / Верна жена иереева, брачное ложе нескверно, / в мире союз, друг ко другу любовь некрадома. / Людям пример благочестнаго брака являя, / Богу возносят хвалы и внимают с Небес: // Аллилуиа.

## И́кос 4

**Р**евность о Господе па́стыря се́рдце снеда́ет, / ю́ности цвет он мертви́т воздержаньем поста́ и моли́твой. / Светлая скромность же́ну иере́я венча́ет, / и непоро́чность сою́за наро́д изумляет. / Ду́хам нечи́стым и лю́дям стропти́вым доса́да – / неукори́зненны, чи́стые Бо́жии ча́да. / Имя Христо́во всегда́ на уста́х Варлаа́ма, / Именем э́тим смиря́ет он де́монов дре́вних. / Зло́бою ды́шит извечный проти́вник спасе́нья. / Мы ж воспева́ем моли́твы в стиха́х тако́выя:

Ра́дуйся, Це́ркве Христо́выя кре́пкий ревни́телю;

Ра́дуйся, Ру́сского Се́вера те́плый предста́телю.

Ра́дуйся, ско́рбей душе́вных иску́сный целите́лю;

Ра́дуйся, Ца́рствия Бо́жия усерд́ный иска́телю.

Ра́дуйся, дух сего́ ми́ра сме́ло попра́вый;

Ра́дуйся, дре́вняго зми́я тенёты раздра́вый.

Ра́дуйся, дре́вних отцо́в подража́телю до́блестный;

Ра́дуйся, чи́стой моли́твы стяжа́телю ре́вностный.

Ра́дуйся, Варлаа́ме, путь пока́янный слеза́ми омы́вый // и о́браз греха́ искупле́ния нам дарова́вый.

## Конда́к 5

**Ж**изни твоёй позавидев, сам зми́й прелука́вный, / входит в супру́гу твою́ и, вадя́ насмеше́ние страна́но, / стра́шну хулу́ изры́гает на Це́рковь и ве́ру Христо́ву. / Ты же, моли́тву о ней непра́станны творя́ со слеза́ми пред Бо́гом, / в це́ркви Свята́го Гео́ргия ма́тушку ста́вишь, нудя́ к пока́янью, / чин закли́нания́ Именем Бо́жым на бе́са чита́ешь, / и Копи́е со престо́ла бере́шь, и кресто́м осеня́ешь, / дабы́ святы́ней изгна́ть страсть лиха́го недуга́. / Го́спода мо́лишь очи́стить родну́ю супру́гу, / дабы́ с ней купно́ Ему́ воспева́ть: // Аллилу́иа.

## И́кос 5

**И**мя Христо́во для те́много де́мона – пы́тка, / стра́шными му́ками те́ло невинной терза́ет, / бесну́ю тщи́тся из хра́ма Господня́ исторгну́ть. / Епитрахи́лью ей ру́ки тогда́ Варлаа́м вяза́ет, / крест знамену́я Святы́м Копи́ем во́зле се́рдца, / и возглаша́ет закля́тье на де́мона Именем Бо́жым. / Смра́дом и ды́мом исхо́дит вели́кая зло́бная си́ла / и предста́ет в по́лный ро́ст в своем жу́тком и ме́рзком обли́чье. / Кре́пко ста́ Варлаа́м перед зло́бою

дышащим бесом, / не удержи́ своей страсти – его солнце за́йде  
во гнѣве, / грѣшною яростью он распали́ся на зверя / и порази́  
Копи́ем ненавистнаго дре́вняго зми́я. / Рев потрясе́ стѣны дре́в-  
няго Бо́жия хра́ма, / и побеже́ восво́яси нечи́стая зло́бная си́ла. /  
Кро́тко на му́жа страда́лица о́чи возво́дит, / и отлете́ ввысь ду́ша  
голуби́цы невинной. / Мы же, скорбя́ с Варла́мом безме́рно, /  
ра́достью ско́рбь раство́ряя, возно́сим стихи́ таковы́я:

Ра́дуйся, па́стырю до́брый и во́ине Христо́в, Варла́ме;

Ра́дуйся, ще́дро исполненный Ду́ха Свята́го дара́ми.

Ра́дуйся, все для спасе́нья сýпруги своей соверши́вый;

Ра́дуйся, в ско́рби своей кре́пко к Бо́гу воззва́вый.

Ра́дуйся, сме́ло в смерте́льную схва́тку вступи́вый;

Ра́дуйся, стра́шную де́мона вла́сть Копи́ем низложи́вый.

Ра́дуйся, се́рдце свое́ тем нежданн́ым уда́ром пронзи́вый;

Ра́дуйся, ра́дость на ско́рбный уде́л без вины́ премени́вый.

Ра́дуйся, Варла́ме, путь пока́янный слеза́ми омы́вый // и о́б-  
раз греха́ искупле́ния нам дарова́вый.

### Конда́к 6

**В**идевше, лю́ди, тобо́ю пронзе́нное те́ло сýпруги, / стра́стным,  
жесто́ким ревни́вцем теб́я меж собо́ю прозва́ша, / све́тлую  
па́мь усóпшей житѣ́йской молво́й омрача́я. / Ты ж нарече́ вку́пе с  
нею́ себя́ уби́енным: / нерасторжи́мы те́ла, что пред Бо́гом еди́ны-  
ми ста́ли. / В гроб, как к вѣнцу, собира́ешь невесту́ Христо́ву, / за-  
покойны́я службы́ твори́шь ты по ней непреста́нно / и погреба́ешь  
в зе́мле свою́ ра́дость и сча́стье, / Бо́гу в слеза́х о грехе́ вопия́: //  
Аллилу́иа.

### И́кос 6

**В**Ко́лу, в обите́ль святу́ю, стопы́ Варла́м направляет, / к Фео-  
дори́ту несёт грех и го́речь утра́ты / и, поверга́ясь к нога́м его́,  
зе́млю в слеза́х омака́ет, / просит́ приня́ть пока́янье и дать иску-  
плѣнью сверши́ться. / Ста́рец со ча́дом встаю́т на моли́тву пред  
Бо́гом, / дабы́ воле́нием Ду́ха им Прóмысел Вы́сший откры́лся. /  
И возвеща́ет Госпо́дь о несѣ́нии ле́гкаго и́га: / «С грóбом сýпруги  
ходи́ть по откры́тому мо́рю, / дóндеже те́ло истле́ет и в прах  
обрати́тся. / Ты ж, Варла́м, пребы́вая в по́сте и моли́тве, / ры́бу  
взако́нен вкуша́ть лишь на Па́сху Христо́ву». / Мы ж, немощни́и,  
дивим́ся, скорбя́ до зела́, / и прино́сим стихи́ таковы́я:

Ра́дуйся, ду́шу в уны́нье не да́вший низве́ргнути;

Ра́дуйся, во́лю свою́ без разду́мий отве́ргнувший.  
Ра́дуйся, Ста́рца свята́го приня́вший нетя́жкое и́го;  
Ра́дуйся, ме́ртваго те́ла позна́вший вери́ги.  
Ра́дуйся, ко испыта́нию ве́ры избра́нный;  
Ра́дуйся, о́браз страда́ний позна́вший безме́рных.  
Ра́дуйся, я́ко истле́ет же с те́лом супру́ги духо́вная скве́рна;  
Ра́дуйся, ра́дость о Го́споде сто́йким и ве́рным.  
Ра́дуйся, Варлаа́ме, путь пока́янный слеза́ми омы́вый // и о́браз греха́ искупле́ния нам дарова́вый.

### Конда́к 7

**К** Го́гу взыва́я, моля́ укрепить си́лу ду́ха, / в Ке́реть родну́ю прише́д Варлаа́м и, люде́й изумляя, / гроб из земли́ ископа́ на церко́вном погос́те. / В ка́рбас кладёт драгоце́нную, стра́шную но́шу / и, поклонивши́сь на храм, отплыва́ет в откры́тое мо́ре, / во́ле Го́сподней себя́ без оста́тка вверя́я. / С гробом, во гробе́ второ́м оди́нокий скита́лец, / Го́гу стеля́, Варлаа́м вопи́ет: // Аллилу́иа.

### И́кос 7

**П** о́лною ча́шей Го́сподь отмеря́ет страда́нья, / ве́тер лишь встре́чный быва́ет в пути́ Варлаа́ма. / Мо́рось, туман, мрак морско́й и небесный, / я́рость волны́ сокруши́ть его́ во́лю стреми́тся, / то в небеса́ подыма́я, то в а́дскую бе́здну низринув, / я́сно явля́ет Го́сподь та́йну жи́зни и сме́рти, / си́лу вла́сти греха́ и спаси́тельный путь пока́янья, / благослове́ния крест и ра́дость моли́твы святу́ю:

Ра́дуйся, па́мяти сме́ртной водо́й напо́енный;  
Ра́дуйся, пе́снью Дави́да, как хле́бом, насыще́нный.  
Ра́дуйся, о́браз приня́вший убо́гаго, па́дшаго, ни́щаго;  
Ра́дуйся, че́рве, люде́й поноше́нье, презре́нье в наро́де.  
Ра́дуйся, встре́чнаго ве́тра певе́ц, непого́ду всегда́ принося́щий;  
Ра́дуйся, взма́хами ве́сел безме́рность пути́ измеря́вший.  
Ра́дуйся, та́йну позна́вый вели́кую жи́зни и гроба́;  
Ра́дуйся, с ма́тушкой грех искупивши́й; возра́дуйтесь о́ба!  
Ра́дуйся, Варлаа́ме, путь пока́янный слеза́ми омы́вый // и о́браз греха́ искупле́ния нам дарова́вый.

## Конда́к 8

**В**зма́хи вéсел в рука́х Варлаа́ма и дéнно, и но́чно, / хлеб и о́т-  
дых е́му – то псалмо́в пока́льное пéнье. / Тéло мёртвое ду́ш-  
но смерди́т, отмеря́я часы́ искупле́нья. / Пу́ть из Ке́рети в Ко́лу  
безме́рно, мучи́тельно до́лгий / в год обана́десять раз сотвори́ть  
он отселе́ повинен, / мыс штормово́й огиба́я в столь ма́лой и у́т-  
лой ла́дьице, / Святоно́сский преде́л – тяжкий крест на пу́ти мо-  
рехо́дов. / Ка́ждый раз он проща́ется с жи́знию свое́ю земно́ю, /  
ка́ждый раз возвра́щается, Бо́гу по́я: // Аллилу́иа.

## И́кос 8

**В**По́хъэле ночь – то мра́ка кромéшнаго вре́мя, / кто ж исправи́т  
твой пу́ть в ледяно́м безвреме́ньи, / кто разреши́т от моро́з-  
ных око́в и согре́ет? / Смерть пусты́ми гла́зницами смóтрит в  
лицо́ Варлаа́му, / но не оста́вит Госпо́дь ве́рных раб Свои́х в их  
упова́ньях. / Чудным виде́нием по́мощь дару́ет скита́льцу, / о́б-  
раз желáнный средь бу́ри и мра́ка явля́я, / ве́рной супру́ги, что  
вме́сте с люби́мым страда́ет. / И отогре́ты ладо́ни, и се́рдце вновь  
ме́ряет вре́мя / до́лгой доро́ги ту́да, где небéсная ра́дость и пéнье:

Ра́дуйся, пéсням и пла́чу Дави́довым поревновáвый;

Ра́дуйся, ду́хом смире́ния си́лу для бра́ни стяжа́вый.

Ра́дуйся, пу́ть соверша́вый непра́здный из Ке́рети в Ко́лу;

Ра́дуйся, се́рдце возне́сший горе́, а о́чи поту́пивший до́лу.

Ра́дуйся, мёртвое тéло всегда́ пред очима́ имéвший;

Ра́дуйся, крест пока́ния с ве́рной супру́гой понéсший.

Ра́дуйся, Го́спода Сла́вы избра́нный и ве́рный уго́днице;

Ра́дуйся, А́нгельских ли́ков небéсных зéмный сорабо́тнице.

Ра́дуйся, Варлаа́ме, пу́ть пока́нный слезáми омы́вый // и о́б-  
раз греха́ искупле́ния нам дарова́вый.

## Конда́к 9

**А́**нгелов сонм с Небесе́ узрева́ет твой труд небывáлый, / трéтий  
уж год истека́ет в упóрной борьбе́ со стихией, / с вла́стью  
греха́, со всеси́лием тле́нья и сме́рти. / Во прославление́ дивна́го  
И́мени Бо́га / благоухáют оста́нки страда́лицы ве́рной, / вновь  
посрамля́я нача́льника всех богобо́рцев. / Радо́сть предчу́вствуя,  
ча́я конца́ испытáний, / Ду́ха Свята́го даро́в Варлаа́м сподобля́ет-  
ся чу́дно. / Грéшник прощённый возво́дится в лик чудотво́рца – /  
радо́сть на Не́бе и пéсни хвалы́: // Аллилу́иа.

## И́кос 9

**К**мы́су Свято́му стреми́шься ты в ма́лой и у́тлой лады́це, / чу́в-  
ствуя си́лу и слы́ша язы́к тва́рей Бо́жых: / стра́шных черве́й  
корабёльных – морских древото́чцев, / тех, что творят зло ве-  
ли́кое лю́дям на мо́ре, / в прах изгрыза́я осто́вы судов без поща́-  
ды. / Встав на моли́тву, призва́в тех черве́й, запреща́ешь / Име-  
нем Го́спода зло́е творить им отны́не. / Ви́девше, лю́ди, вели́кое,  
сла́вное чу́до, / в ра́дости ве́лией путь свой морско́й соверша́ют, /  
сла́вя уго́дника Бо́жия, пе́сни пою́т таковы́я:

Ра́дуйся, к сла́ве избра́нный, страда́льче Христо́в Варлаа́ме;

Ра́дуйся, го́рькую но́шу омы́вый свои́ми слеза́ми.

Ра́дуйся, по́мощью дивной от Го́спода благословле́нный;

Ра́дуйся, я́ко поσόбство от ве́рной супру́ги явлено́.

Ра́дуйся, в ско́рби людско́й на по́мощь неме́дя спешивый;

Ра́дуйся, ве́лию ра́дость помóром в моря́х подаривый.

Ра́дуйся, стра́сных черве́й от Но́са Свята́го отгна́вый;

Ра́дуйся, в ве́чные ве́ки их и́менем Бо́жым заклывый.

Ра́дуйся, Варлаа́ме, путь покая́нный слеза́ми омы́вый // и о́б-  
раз греха́ искупле́ния нам дарова́вый.

## Конда́к 10

**В**е́тр попу́тный отны́не лежи́т ладие́ Варлаа́ма – / то греха́ ис-  
купле́нье долгожда́нную встре́чу торо́пит, / о я́сном прощё-  
ния зна́меньи Ста́рцу пове́дать / и приобщиться заветна́го Да́ра  
Христо́ва. / Ра́дость вели́кая Феодориту́ приходи́т, / в кре́пких  
объя́тьях, в слеза́х лобыза́ет скита́льца морско́го, / благослов-  
ляет на по́стриг любимо́е, ве́рное ча́до, / дабы́ мона́хом ему́ от-  
правля́ться на Пе́ченгу сме́ло. / Пре́жде на о́стров в Чупу́ несёт  
Варлаа́м свою́ но́шу родну́ю, / где обретёт она́ ве́чный поко́й / и  
где он пропоёт: // Аллилу́иа.

## И́кос 10

**В**Пе́ченжский край, во оби́тель святу́ю стреми́тся / Ду́ха Свя-  
та́го сосу́д и но́вый проро́к покая́нья, / те́плый предста́тель  
пред Бо́гом и кре́пкий побóрник на бе́сов. / С Трифо́ном вме́сте  
ревну́я о и́стинном ду́хе мона́хов, / Бо́жиим стра́хом внузда́ете  
иноков го́рдых. / Не́мощь людску́ю и ко́зни лука́ваго ви́дя, / вновь  
устремля́ешься ду́хом, пусты́ннаго жи́тельства а́лчешь. / Вку́пе с  
тобо́ю уходи́т и Пе́ченжский ста́рец, / Бо́гу внима́ть, угаси́в я́рый

пламень желаний, / в море пустынном души очищая наследье. /  
К Феодориту на встречу несёт их ладья Варлаама.

Радуйся, иноче добрый и воине Христов, Варлааме;

Радуйся, щедро исполненный Духа Святаго дарами.

Радуйся, Феодорита достойное, верное чадо;

Радуйся, сущих на море покров и ограда.

Радуйся, подвиг трилётный скитаний пронёсший;

Радуйся, плод покаянья достойно принёсший.

Радуйся, Трифону помощи руку в печали подавший;

Радуйся, в скорби его крепко к Богу воззвываяй.

Радуйся, Варлааме, путь покаянный слезами омывый // и образ греха искупления нам даровавший.

### Кондак 11

**М**оре лодью Варлаама несёт на плечах без препятья. / Землю Поморья молитва соборная старцев / преображает, и гонит лукавые духи, / и берега очищает от власти бесовского князя; / древним покойником, что по ночам восставаша / и на тонях не даваша помором покоя, / силой Великаго Бога повелевает уснути / и до Христова Суда чаять трубнаго гласа. / На берегах, на мысах, на тонях торжествуя, / крест Варлаамов победу Христа возвести: // Аллилуиа.

### Икос 11

**В** Чупской пустыни вселяешься, святче предивный; / стрелы лукаваго жалят, но ты, Варлааме, / струями слез потопляешь нечистыя духи. / Яко орёл, обновившись и, яко елень быстротечный, / Духа Святаго источник в молитве умной обретаешь / и очищаешь Адамову кровь от змиинья яди. / Долгих полвека в пещере живёшь со зверями, / в малой часовне в Чупе предстоя перед Богом.

Радуйся, берег полнотный святыми крестами покрывший;

Радуйся, древнюю нечисть слезами молитв потопивший.

Радуйся, добрый уединенья взыскателю;

Радуйся, мудрый молитвы Христовой ревнителю.

Радуйся, светильниче в хладных просторах горящий;

Радуйся, первоподвижниче пред Господом Сил предстоящий.

Радуйся, ангеле слез, веселися, человеце небесный;

Радуйся, Господа славяй псалмов покаянную песней.

Радуйся, Варлааме, путь покаянный слезами омывый // и образ греха искупления нам даровавший.

## Кондак 12

**В**еры светильник горит среди хладной пустыни – / разве возможно укрыться от мира великой святыне? / И притекают потоки людские ко старцу святому, / алчущих правды и жаждущих мудраго слова. / Неможных, странных, скорбящих, хромых и убогих, / всех ободрит Варлаам, и никто не уйдет неутешен, / к вере приводит лоплян и иных от «полночных народов». / Старцем столетним свой путь скончивает, по Бозе ревнуя. / К Господу с миром отходит, молитву творя: // Аллилуиа.

## Икос 12

**Н**о нескончаемо люди идут на могилку святую, / благодарят Варлаама за силу чудес и знамений. / Рыбарей многих, не чаявших уж возвратиться в родную деревню, / верный заступник спасе от смертей неизбежных. / В бурю покрывает, ледоваго плена избавит, / страшной волне не позволит стубить мореходов: / «Аз – Варлаам есмь, из Керетской волости родом! / Духом крепитесь, помора Господь не оставит!» / Берег поморский отныне усеян крестами – / то Варлааму хвалу воспеваем душой и устами:

Радуйся, Духа Святаго от века избранный сосуде;

Радуйся, силу Христову являвший в спасительном чуде.

Радуйся, крепкий покрове попавшим в беду мореходом;

Радуйся, Феодорита возлюбленный сыне духовный.

Радуйся, веру Христову в лопарских народах возрадивший;

Радуйся, всем моряком чистый путь по водам подаривший.

Радуйся, в горную радость вменивший земная страдания;

Радуйся, нас немощных возведе на Фавор покаянья.

Радуйся, Варлааме, путь покаянный слезами омывый // и образ греха искупления нам даровавый.

## Кондак 13

**О**, чудотворче, угольник Христов Варлааме, / с верой припадаем, молим тебя, преблаженне: / благоприятными наши соделавай прошения, / будь нам ходатай пред страшным Престолом Господним, / там, где ты славишь Спасителя мира, в Обителях Горних. / Благословимся и мы, немощнии, с твоим дерзновением воскликнуть: / «Господи, дай нам покаяться прежде конца нашей жизни!» / Крепостью Духа Святаго с тобой укрепимся на брани, /

с миродержителем тьмы к дѹхам злобы его́ поднебѣсным, / что́бы в день лют по молитвам твоим устоять нам, / мирной кончи́ной наслѣдуя Ца́рство Христо́во, / где в свѣтлом сонме уго́дников Бо́жых от ве́ка, / вме́сте с тобо́й вознести́ Ему́ же́ртву хвалѣнья: // Аллилу́иа.

Этот Конда́к чита́ется три́жды, затѣм 1-й И́кос и 1-й Конда́к.

### И́кос 1

**А**нгелы, зряще с небѣс на твой по́двиг трилѣтний, / ра́вным им в крѣпости ве́ры пред Бо́гом тебѣ прославляю́т. / Ду́шу твою́, что от ве́ка Созда́тель проведѣа, / чу́дным собра́нием Ду́ха Свята́го соде́ла. / В хра́ме, на мо́ри, в верте́пах, в пусты́ни Лапландской / тща́ся стяжа́ть благода́ть и испо́лниться да́ров бесце́нных. / Чудо́творений оби́льных сподо́бися, о́тче прему́дрый, / в до́брый ко́нec приведе́ся и Ца́рства Христо́ва дости́же, / где, предсто́я у Престо́ла Вели́каго Го́спода Сла́вы, / нас не забуди убо́гих и пе́сни сии́ принося́щих:

Ра́дуйся, от ю́ности Христа́ возлюбивый,

Ра́дуйся, страх Бо́жий в се́рдце своем насадивый.

Ра́дуйся, пред Бо́гом тя чту́щих ходатаю ско́рый,

Ра́дуйся, ско́рбным покрове́, целителю хво́рых.

Ра́дуйся, па́стырю ста́да Христо́ва нелѣнностный;

Ра́дуйся, ве́ру Христо́ву храня́й благоде́рзостно.

Ра́дуйся, се́рдце горе́ до ко́нца устремивый,

Ра́дуйся, в ве́чный уде́л Небеса́ получивый.

Ра́дуйся, Варла́аме, путь пока́янный слеза́ми омы́вый // и о́браз греха́ искупле́ния нам дарова́вый.

### Конда́к 1

**Б**о́гом избра́нный уго́дник Христо́в Варла́аме, / я́ко зерка́ло пресвѣтлое, о́тче святы́й, показѣся, / Свет Бо́жества́ несозда́нный в себѣ отража́я. / Святче Христо́в, Варла́аме, благи́й раб Го́сподень, / столп бо яви́ся и пра́вило свѣтло мона́хом, / Ангелом ра́вно стяжа́в жити́е пе́ред Бо́гом. / Се́вер Росси́йский слеза́ми молитвы омы́вый, / всем морехо́дом путь благопоспѣшен соде́ла. / По преставле́нью множа́йше повсю́ду явля́ясь, / от пото́пленья спаса́еши, ле́чиши ра́ны / и от бесо́вския злобы́ и ко́зней враго́в огражда́ешь / всех, почита́ющих па́мь твою́ и пою́щих тебе́: // Аллилу́иа.

ЯВЯФИСТ И СЛУЖБА  
ПРЕПОДОБНОМУ ЯВЯЯЯЯ  
КЕРЕТСКОМУ ЧУДОТВОРЦУ

Корректор – Анастасия Бочарова  
Прориси икон – Инна Куксенко  
Дизайн и оригинал-макет – Ольга Колчина

В электронном виде издание размещено  
на официальном сайте Мурманской епархии:  
<http://mmerparh.cerkov.ru>  
в разделе «Книги митрополита Митрофана».

Сделать заказ можно:

- по электронной почте: [eparhia\\_murmansk@mail.ru](mailto:eparhia_murmansk@mail.ru);
- по телефонам: +7-960 028 6677,  
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии  
Мурманская митрополия  
Русской Православной Церкви (Московский Патриархат)

ББК 86.372.24-50

Подписано в печать 10.08.2023  
Формат 70 x 100 1/8. Тираж 300 экз.

Отпечатано в ООО «Типография «НП-Принт»  
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия